



國史院部遺

提舉實錄院

脩玉牒官

脩日曆官

脩會要官

提舉脩勅令

刪定官

史館校勘

六曹部遺

六部監門

六部架閣

寺監部遺

總九卿

籍田令

秘書正字

省屬部遺

給事中

中書舍人

時文遺集



1003
166/60
351



13
160
51

新編古今事文類聚遺集卷之五

建安 祝淵 宗禮 編

金陵 唐富春 子和 刊

國史院部遺

提舉實錄院

編修實錄附

此下補新集史院史官之後


歷代公革 治平元年以宰臣韓琦提舉修仁宗實錄熙寧元年

以宰臣曾公亮提舉修英宗實錄後該准此見會要續會要

紹興初實錄國史皆寓史館後罷史館遇修實錄即置實錄

院遇修國史即置國史院九年二月以修神宗哲宗徽宗實

錄始置院以宰臣一員提舉修撰檢討官無定員檢討官以



利
268
51

皇代百類遺集

本省官或他官兼而修撰官如史館例詔將史館前廳充實錄院作角門通過史館併秘書省十二年詔史館提舉諸司承受等并官吏並併歸實錄院以罷史館也中興會要

古今事實

世謂董狐

唐吳兢與劉子元撰定武后實錄叙張昌宗誘張說誣魏元忠事頗言說已然可賴宋璟等激勵苦切故轉禍為忠後說讀之知兢所為屢以情斬改辭曰徇公之情何名實錄卒不改世謂今董狐本傳

聖朝大典

至德二年史館大常少卿于休烈奏國史實錄聖朝大典續通典

訪求事迹

李益能撰蔡密禮行狀重修神宗哲宗兩朝正史公奏神宗實錄墨本元祐所修已是成書朱本蔡卞重修多所增損而元祐史官語言無不過失實乞將朱墨本參照修定哲宗實錄蔡京提舉編修多是增飾語言變易是非殆非實錄之體乞於舊臣之家訪求當時文字事迹參照上悉如所請宋會要

古今文集

雜著

辭免升同修國史實錄院同修撰奏狀 周必大殊渥薦加危衷增厲伏念臣本疎文藝尤乏史才攝事玉堂已慙於舊直許員金鎖更假於新榮名稽敘進之規實溢同升之

數昔劉子先居秘書而領史事自矜又處於載言賀知章遷儀曹而兼集賢主論共榮其兩命臣學非二子而寵萃一時雖出誤知難安愚分儻不量牛馬之走乃或冒熊魚之兼必噴煩言上辜洪造願俯從於固避庶無負於曲成

辭免實錄院同修撰奏狀

洪邁

聞命震驚罔知所措眷史筆之重任極昔賢之所難況在於臣無能為役豫編摩之列會莫補於毫分新論撰之官乃頓躋於位次惟欽廟一堂之典有著庭累歲之功藉日曆之既成奉雲章之改作界之兼職已愧竊榮優以隆恩故難虛受伏望皇帝陛下軫聰明而下逮念名實之相孚察其所安俾續舊服庶少逃於官謗以上答於特知所有恩命臣未敢祇受

修玉牒官

提舉檢討官並附

歷代沿革 **歷代** 玉牒官無定員掌修皇帝玉牒凡編年以帝紀帝系而載其歷數及朝廷政令之因革者為之會要 **唐** 本宗正之職開成後始別置修玉牒官 **宋** 淳化六年始設局置官倣唐制也詔以皇宋玉牒為名建玉牒殿于新寺九年以知制誥劉筠夏竦為修玉牒官自後置一員或二員 朱勝非 秀水閑居錄本朝國書嚴奉寶藏未有如玉牒者用金花紅羅標黃金軸至神宗朝以軸大難於披閱詔為黃金梵夾又以黃金為匣鎖鑰皆金也進皇畢安奉於宗正寺玉牒殿士大夫罕有知其制度者予頓在朝廷因宗正丞謝汲自本寺事

論及玉牒間，宰執諸公制度，趙元鼎曰：「不過刻如王冊耳。」
 曰：國家宗支之蕃，自古無乏。每朝為一牒，宗室官稱名行女，
 與其夫皆錄之。以玉刊，不其難乎？又中興系年錄，注每朝
 為一牒，乃載人主系序及歷年行事，如帝紀而差詳。其後附
 以皇后事迹，親主宗室子女，則有宗蕃慶系錄、仙源類譜、仙
 源積慶圖，三書詳焉。非同為一牒也。玉牒則奉安於玉牒殿。
 類譜則安于屬藉堂，勝非亦少誤。
 景祐元年，宗正寺修玉牒
 官李淑申請，詔以編修院廳西閣子充修纂玉牒之所。李淑
 言：「前修玉牒官馮允亦是兼編修會要，蓋錄國史玉牒事節，
 須要照會，所以只就編修院修纂。」
 熙寧三年，玉牒于三班院
 置局，後徙編修院。皇帝玉牒十年，一進修玉牒官，並以學士

典領。自元豐行官制，分隸宗正寺官。六年，詔宗正寺修玉牒
 照用日曆所文字，並指定所書事。令本所節錄。元符二年，宗
 正寺丞陳覺民乞將先帝玉牒內聖政，令本寺修玉牒官抄
 寫封送國史院。從之。紹興十二年，襲舊制，始建以宰臣一人
 提舉，修玉牒官一人，以待從。兼凡宗正卿少而下，悉與修纂。
 二十九年，詔玉牒所併入宗正寺，更不置修玉牒官。檢討
 官以本寺少卿及丞同領編修事。詔玉牒所宰臣提舉依舊
 修書官一員同宗正卿丞修纂，更不置檢討官。
 中興會要紹
 興三十二年，詔尚書左僕射陳康伯提舉編玉牒。後或以參
 知政事、簽書樞密院事兼權提舉。乾道元年，錢瑞禮以參政
 兼權，蔣章以簽樞兼權。見玉牒所題名記。
 故事：玉牒以首相

領之自後相府有闕則以首參兼領仍帶權字淳熙十五年
王丞相淮去位周益公以右揆兼領時勅令所纔罷而首參
仲至無兼局益公乃奏乞以仲至權提舉玉牒宰相在位而
執政權領寶訓玉曆自此始也朝野雜記

羣書要語生必輝名於玉牒文選

古今事實

特創嘉名

唐開成二年修玉牒官李衢奏功以聖唐玉牒與史冊並驅立
號建名期於不朽伏乞付宰臣商量於玉牒之上特創嘉名以
光帝籍敕旨宜以皇唐玉牒為名續通典
重修玉牒

宋朝趙安仁重修玉牒屬籍請依唐室故事修玉牒官奏劉錡
夏竦宋綬等為之真宗實錄初梁周翰始創其制而未備安仁
重加裁定又為仙源積慶圖皆統列精簡焉同上

殿名玉牒

別籍有五並見宗正卿門

古今文集

雜著

禮部代宰臣以下進三祖下第六世仙源類譜仁宗

皇帝玉牒賀表

呂伯恭

天發慶源衍皇文而有永國嚴大典章烈祖於無疆今日再蠲
上儀交舉中賀竊以建邦啟土胄本出於神明扶世導民德實

參於化育。厚苗裔之憑藉。培運曆之靈長。炎宋肇興。上通元造。昭陵在御。專以至仁。垂光罩被。於雲來。流澤涵濡。於億兆。厥開真主。並輯曠文。譜增屬籍之華。牒冠史臣之錄。發揮昌緒。見太宗小宗之蕃。申載宏綱。示特書屢書之重。源流綜貫。典冊崇成。繇宣祖以來。咸星羅於霄極。若明道而後實。日靖於鴻圖。振振信厚之風。皞皞泰和之治。銀潢混漾。玉版闕嚴。千八百國之封先乎異姓。五三六經之籍展也同符。懿鏢麗洪。函生閭懌。恭惟皇帝陛下。隆恩睦族。駿惠紹基。帝繫繇延。監枝葉本根之輔。皇猷渾灑。思規模築雉之尊。式是不彛。對于華且。臣等參聯庭室。親觀邦祺。聖統聿傳。陋柳芳永泰之譜。休聲遠繼。曆唐介慶曆之詩。

代宰臣以下進三祖下第六世仙源類譜畢賀太上

皇帝表

呂伯泰

清都絳闕。固高視於羣生。寶系瞻源。實功資於太極。告成典冊。垂裕仍雲。中賀竊以顯穹生民。濬發皇宗之盛。不夫大律於昭帝繫之嚴。顯允熙朝肇開。聖統德隆。澤厚命既。僕於萬年。冒遠族蕃。譜方登於六世。威疎區別。昭穆派分。雖國論民言。不至齋心服形之地。然宗盟家政。猶閔問安視膳之時。爰練日以龜從。咸望雲而鰲拏。驩騰雷臚。慶集叢霄。恭惟太上皇帝陛下。淵靜化元。希夷物始。大綱授舜。既蕩蕩以無名。九族睦堯。本親親而有叙。光宅穆清之遠。具膺蕃衍之祥。臣等幸際休辰。與觀盛事。中興功業。斯千詠輯於弟兄。百世本支。陳錫永觀於孫子。

代進玉牒表

張孝祥

帝系勳鴻燦科條於屬籍聖謨啓佑嚴訓典於寶儲御嚴廊以
 觀成拱朝班而稱慶臣切以堯統漢緒肇派別於天潢周誥商
 盤麗光躋於東壁惟昭穆親疎之有序與文章號令之常傳歷
 時浸闕於編摩甫歲悉加於纂輯必親經財幸稽春秋簡牘之
 義故並建殊尤若河洛圖書之出皇帝陛下慶綿景祚志通光
 猷世茂本支襲生民之尊祖道昭嗣服成下武之繼文考神宗
 皆聚此書述遺烈永為大訓臣等猥蒙際遇扶觀休嘉麟趾振
 振共仰宗盟之益茂虞書渾渥更瞻聖作之相輝

辭免提舉編修玉牒劄子

周必大

臣欽承恩渥增震孤衷伏以紀謨烈以示後人繫本支而綿百

世鏤牒本繇於唐代成書觸備於聖朝粵自中興尤嚴故實雖
 承乏或容於次輔而提綱當俟於元台豈伊具臣堪此衆職矧
 有餘之不廢在虛次以何嫌仰冀皇明俯昭愚愆免與聞於太
 典姑曲徇於小廉冒瀆天威臣無任戰栗俟命之至

辭免玉牒所檢討官狀

吳永叔

漁渥昭回孤衷惕厲伏念某素疎文藝尤乏史才直紫微垣既
 近日星之麗鏤白玉牒復䟽雨露之榮學不足以網羅舊聞識
 不足以登記大典粵考高廟中興之際既觀光宗嗣復之初孝
 祥以柱史兼官官名始稱鏤鑰以月卿貳事事體方隆豈復卑
 陋之蹤輒與討論之未覽書之十格欲纂述以無能視作者十
 人於同升而有愧雖官微不應控避然恩重恐速顛隳所有成

命免令兼攝

卷之五

七

修日曆官

歷代沿革唐正元初韋執誼奏撰私家紀錄非是望令各撰日曆月終館中詳定從之此日曆所從起也葉伯益宏詞編題

宋舊以宰臣兼監修國史修撰直館檢討無常員掌修日曆以時政記起居注會集修撰為一代之典舊於門下省置編修院專掌國史實錄修纂日曆元豐四年廢編修院歸史館官制行屬秘書省國史案六年詔秘書省長貳毋得預著作修纂日曆事進書即繫街以防漏泄如舊編修院法焉八年詔吏部郎中魯肇禮部郎中林希兼著作職事官兼職自此

始元祐五年移國史案置局專掌國史實錄編修日曆以國史院為名隸門下省更不隸秘書省紹聖二年詔日曆還秘書省宣和二年詔罷在京修書諸局惟秘書省日曆所係元豐國史案除著作官專管修纂日曆之事無定員外其元豐分案編修日曆書庫官吏並依元豐法四朝志紹興元年以修日曆所為名又詔秘書長貳通行修纂日曆以少監程俱言長貳於條不與修纂欲準元豐故事著作官闕從本省時暫勝校書郎或正字兼權所費不廢編修故有是命三年詔左僕射呂頤浩兼提舉修國史時修日曆張綱言秘書省權輕難以取會又孫近言景德二年王旦為相領史職乞宰府提舉故有是命詔修日曆令侍從官帶史館修撰餘官帶直

史館史館檢討若著作郎佐郎闕依元豐例差郎官兼領時以祠部郎虞漢兼太著禮部郎舒國清兼小著日曆所以修

國史日曆所為名四年詔修國史日曆所以史館為名依舊制置編修校勘官十年秦檜請下有司討論史館建併之弊禮部看詳於元豐舊制併歸秘書省國史案以著作郎佐郎修纂日曆遇修正史即置國史院遇修實錄即置實錄院見今修淵聖及今上日曆今宰相提舉以監修國史繫街實錄院以提舉實錄院繫街中典會要

古今事實

蔣氏日曆

唐柳芳作唐曆太曆以後闕而不錄宣宗詔蔣皆等分年撰次

盡元和以續云自又至僭二世踵修國史世稱直筆咸云蔣氏日曆

無以易藻

宋朝汪顥謨藻字彥章公言自元符以來並無日曆此國之重事願留聖心上納之既而宰執請釋所付上曰無以易藻矣出知湖州詔領日曆如故辟官屬二員且賜史館修撰餐錢言行錄

古今文集

雜著

謝賜紹熙四年曆日表

周必大

歲運無窮裁成密度王春有俶誕告庶邦吏拜賜以承流民知時而趨事臣某中謝恭惟皇帝陛下道參覆載職備義和天與

斐枕式九圍而順帝星隆晷德齊七政以授人凡叨守土之官咸起競辰之志臣敢不頒宣詔璽勸勉農疇在歷數於舜躬孰能推步暨朔南之禹教尚覲混同

謝賜曆白表

周必大

欽承天道初觀玉曆之成謹授人時均下璽書之賜仰祇德意俯佩恩榮中謝恭惟皇帝陛下輔相兩儀總齊七政大法協於五紀克叙彝倫閏月定乎四時靡乖躔次推本聖心之自蓋先民事之宜故此遐方亦頒密度臣敢不深思奉順務稱嚴恭東作西成行見京垓之積南洽北暢豈惟正朔之同

同前

周必大

欽崇天道課玉曆於清臺謹授人時下璽書於方國凡任承流

之責舉深拜賜之榮中謝恭惟皇帝陛下功錫禹疇德齊舜政

炎圖載赫既聰明睿智以有臨皇極用成宜歲月日時之無易申命居卿之職載嚴頒朔之文天始地終得大衍自然之數珠聯璧合驗太初最密之祥誕告多方用與嗣歲臣敢不併推聖意備論封圻九叙惟歌使咸知於帝力三時不害期各厚於民生

同前

周必大

日官推數當五年再閏之期王者頒常下三統四分之曆凡叨守土敢息承流恭惟皇帝陛下把握陰陽彌綸天地授泰元之神筭協洪範之彝倫水火金木惟修坐致九功之叙歲月日時無易預知百穀之成爰即上春徧頒密度豈特新又新而無弊

蓋將朔復朔以何窮臣一分銅虎之權三拜璽書之賜年運而往竊自驚齒髮之衰民愚而神願謹示農桑之候

同前

周必大

參萬歲以成純方衍無疆之數以四時而為柄用頒有截之區望雲祇拜於君恩愛日益勤於吏事中謝恭惟皇帝陛下德隆廣運化本密庸仰膺申命之休俯謹授時之政地法天而天法道據四大以宅中正次王而王次春殖萬民而布治况歲直金穰之次而曆符璧合之祥農力稽以無違吏窺文而竊抃臣敢不勤敷聖意徧諭部封時和年豐顧已示夢魚之兆家給人足愧莫施汗馬之功

謝紹興十四年曆日表

洪邁

清臺課密上元新甲子之符支郡頒常正月謹王春之政拜恩喜幸開卷遵行中謝切以觀乎天文有寒暑殺生之候考之人事戒析因夷曠之期既水火金木土穀惟修故度量權衡歷筭道出居陽而治振古如斯洪惟有道之朝高視無前之蹟南司北正稽顙帝以建官東作西成憲唐堯之分命爰暨照臨之內舉由輔相之宜恭惟皇帝陛下與日並明參天施教執玉帛者萬國罔不率從班正朔於八荒無有遠邇永念承流而宣化宜思利用以厚生異茲一卷之書俾成四時之吏臣敢不審其作輟奉以周旋夜寢夙興雖莫知於帝力春耕秋歛誓勉相於農功

福州謝曆日表

洪邁

課自清臺雖朝廷之故事命于方國蓋天子之至恩拜賜為榮
 窺文何幸切以恭三百六旬有六日事蓋備於唐堯律八十一
 寸則一分法益嚴於漢武考輔相裁成之道戒析因夷隲之宜
 皆聚此書以前民用恭惟皇帝陛下乾坤合德曆數在躬十年
 萬壽以無疆紀號一成而不變神祇祖考既安樂於太平歲月
 日時又明章於庶證禮勿忘於告朔聖愈謹於占夫肆令宣化
 以承流咸識履端而舉正璿璣不忒玉燭自調臣敢不奉以周
 旋審其作輟聯珠合璧曾何造化之能知流火授衣尚見艱難
 之所致

謝曆日表

洪邁

真主當陽載謹占天之義疇人觀象一新底日之文方中詔之

分頒均外臺而重拜中謝恭惟皇帝陛下堯身為度舜曆在躬
 知天其有五材守而勿失對時而育萬物動則有成常思利用
 以厚生不怠履端而舉止坦然明白奉以周旋臣敢不祇誦成
 書虔遵至意七月流火益知王業之艱難五星連珠莫測聖功
 之輔相

修日曆劄子

張孝祥

臣聞神宗皇帝相王安石用私意作日錄一時政事美則歸已
 陳瑾以死爭之著為尊堯集日錄辨等書忠臣義士感激增氣
 恭惟陛下躬履艱難躋登休治寶慈與徐仁民愛物聖德之盛
 固已聿追先烈而故信任之專禮遇之隆又非特如安石受
 知於神祖也臣切謂政事舉措號令設施一皆裁自聖斷故相

或能將順贊襄而已。臣懼其作時政記亦如安石專用已意掠美自歸。撻陛下之聖明。私羣臣之褒貶。日曆之官。因取其說。著之簡策。殆非尊戴君父。傳信萬世之義。臣仰惟陛下既遴選史臣。付以論撰。欲望駿發明詔。再取去歲以前。臣寮修過日曆。詳加是正。審訂事實。貶黜私說。發明聖德。庶幾作宋一經。襲六為七。垂之無窮。天下幸甚。

辭免修日曆轉官奏狀

周必大

臣聞命若驚。措身無所。切以舜受堯禪。光華二典之中。武承文謨。度越二主之上。又笑聞於並世。今親值於同時。蓋國家甚盛。之規實。儒學難逢之會。而臣猥繇薄技。久竊殊知。供奉螭坳。預初載史臣之高選。周旋麟省。窺兩朝日曆之宏綱。逮茲荐履於

禁嚴。適遇再陳於篇秩。故四周於歲律。而疊進於官榮。夫何總覈之朝。有此便蕃之寵。自猶知其過矣。人豈謂之當然。伏望陛下天造無私。日光必照。念臣遭逢于一。雖與眾同。察臣僥倖。再三則惟已獨。或遂寢出綸之命。或量裁考績之年。稍令私義之安。實賴公朝之賜。

占天萬年曆序

祝天輔

竊以曆用於世久矣。自堯命官以明歷象。舜齊政以察璣衡。降是無代無之。然由古及今。泯泯莽莽。或久或近。間行隨改。殆未有能盡歟。抑推步籌策。有不能精歟。國朝初曆。今幾易矣。元祐觀天法行之。纔十餘年。而遷有晦朔之差。姚舜輔以一介草茅。卒能指其所失。而伸其所視。蓋闔臺之史。莫有能屈之者。豈非

法為世出而人為時舉者歟。新曆來上上既命以占夫為名且命臣為之序臣以區區所聞敢不盡愚。臣聞知天之所為知人

之所為至矣苟蔽于天而不知人則溺于吉凶禍福之說而未就從違必決于此而後行苟蔽于人而不知天則率乎是非成敗之迹而可否因革有不待時而舉是則兩失之矣唯聖人不徇天以絕人而知有以修其事業不乘人以誣天而知有以奉其時令故動則獲福為斯得名而影響之應問不容髮者豈預有所推測而致然歟蓋知要而務實則天亦從而畀之矣此以入占天之道也。伏惟皇帝陛下道極天人躬包歷數體乾坤之闔闢順陰陽之慘舒其施為注錯方且與天合德而雖先時弗違矣其有孚也於未占而先成其可占也於既孚而後見則天

人幾於一致然猶且先修乎人事而後占於天所謂知要而務實者不期於天畀而天畀之矣。曆法之修特以考人事之至與未至者爾其精數明時所以追太初而並太衍且將以建萬世一定之法而為有宋不刊之典者尚不論也然則臣何以知其然哉。揚子曰史以入占人聖人以人占天觀陛下命曆之名臣於是乎知。臣謹序。

修會要官

歷代沿革 唐德宗正元間蘇冕始為唐會要四十卷武宗時崔鉉又續四十卷宋建隆初王溥取宣宗以後故事并蘇崔所錄共為一百卷本朝會要自建隆止慶曆四年成一百五十

章得象上王洙編修王珪續以慶曆止熙寧十年通舊增損成三百卷總二十一類八百五十五門國朝會要序乾道四年詔尚書左僕射陳俊卿兼提舉編修國朝會要五年秘書少監汪大猷等言蔡攸所修國朝會要除將熙寧十年以前章得象王珪所修重加刪潤外其自元豐至政和止修得帝系后妃吉禮二門攸所修吉禮緣當時議論好惡不同妄有刪改以迎時好乞令本省再加刪定兼令來續修斷自神宗其五朝會要內有熙寧十年內事亦合重行編入以續修國朝會要為名從之六年中書門下省言國朝會要已修至靖康詔今自建炎元年接續至乾道五年九月秘書少監陳騷言編類建炎以後會要至紹興三十二年六月十一日成

書以中興會要為名從之孝宗會要

提舉修敕令

詳定官附

歷代沿革宋天聖慶曆嘉祐熙寧編叙及元符勅令格式各差宰臣提舉此事見續會要何執中奏而四朝志乃云自熙寧初編修三司令式命宰相王安石提舉如志所言是自熙寧始也然天聖既有提舉之例不應自熙寧始今姑存之以俟考究詳定官以待從之通法令者充政和元年差左僕射何執中提舉重修敕令執中上章力辭於是不帶提舉以兼領為名續會要建炎四年命宰臣范宗尹提舉重修詳定敕令至是始設官置局命大理寺及見在敕局官兼詳定刪定官

中興會要 紹興三十二年 孝宗已即位未改元 六月權吏部侍郎徐度等言近措置哀集建炎紹興已來詔旨專一置局令來所名取自朝廷旨揮詔依舊以敕令所為名會要紹定中改為詳定一司敕令所自建炎四年以前著為紹興新法以後續降幾二萬餘條前後牴牾職源乾道四年詔差刑部侍郎王大猷兼詳定官理少王彥洪韓元吉兼同詳定官刑部侍郎蔡洸劉芮吏部鄭伯熊戶部曾逮理丞潘景兼刪定官限一年了畢六年汪大猷奏合行事件請行刑削於是復置敕令所提舉官銜繫兼詳定一司敕令詳定官銜繫兼詳定一司敕令並依舊例施行係孝宗會要修入此後淳熙慶元嘉泰及今上淳祐各有頒降敕令格式

宋初修軍馬司敕則

屬樞密仁宗時命田况提舉熙寧八年權知審刑院崔日符言奉詔修軍馬司敕緣軍政事重故事以樞臣總領於是命樞密使陳升之提舉管為續會要紹聖元年又詔知樞密院事韓忠彥提舉管為詳定刪定軍馬司敕令

古今事實

前律後令

漢杜周為廷尉客有謂周曰君為天下決平不循三尺法周曰三尺安出哉前主所是著為律後主所是疏為令當時為是何古之法乎本傳

鈞金束失

李延年論刑法第二表周禮鈞金束失慎之至也

金條玉科

刑法曰金條玉科 劇秦羨新論

牙章竹簡

牙章竹簡之中因以法吏

古今文集

雜著

請修勅令

劉鞏

臣竊以法者天下之大命也。先王制法其意使人易避而難犯。故至簡至直而足以盡天下之理。後世法制唯恐有罪者之或失也。故多張綱目而民於是無所措其手足矣。世輕世重唯聖人爲能變通之。祖宗之初法令至約而行之可久。其後大較不

過十年一變法。豈天下之大民物之衆事日益滋。則法不可以不密歟。臣竊以謂非事多而後法密也。殆法繁而後姦生也。神宗皇帝達因革之妙。慎重憲禁。元豐中命有司編修勅令。凡舊載於勅者多移之於令。蓋違勅之法重。違令之罪輕。此足以見神宗皇帝仁厚之德。哀矜萬方。欲寬斯人之所犯。恩施甚大也。而所司不能究宣主德。推廣其間。乃增多條目。離析舊制。用一言之偏而立一法。因一事之變而生一條。其意煩苛。其文晦隱。不足以該萬物之理。達天下之情。行之幾時。蓋已屢變。今所謂續降者。每半年一頒。每次不減數帙矣。夫法者天下之至公也。造之而不能通。故行之而不能久。其理然也。又續降不顯言其所衝改。故官司州縣承用從事。參差抵牾。本末不應。非所謂講

若畫一通天下之志者也。臣愚以謂宜有所加損潤澤之去其繁密合其離散要在簡易明白使民有避而知所謂遷善遠罪之意伏望聖慈酌時之宜完法之用選擇儒臣一二有經術明於治體練達民政者將慶曆嘉祐以來舊勅與新勅參照去取略行刪正以成一代之典施之無窮

辭免兼勅局劄子

周必大

臣承詔惕息周知所措竊惟執政之兼書局初無定例同升或容分領未至奚必曲成今者良臣陳義甚高過於謙損臣若汗顏代斷獨不愧晉人其下皆遜之語乎况臣鄙樸無能超踰已甚律設大法懵然弗知將何以助陛下三章之約贊相臣畫一之講今早已嘗面奏天聽未回須至再有陳免伏望聖慈於臣

俟命之至
惶恐不自安之意特降睿旨俯從所請許仍其舊臣無狂懇道

勅令所題名記

陳居仁

乾道四年冬有司言建炎後續百幾二萬餘條前後舛不合請削為書俾吏不得舞詔可之六年秋復置詳定一司勅令所初本朝重令甲每詔諸儒纂修自天聖熙寧元祐以來有詳定編勅所編修諸司勅式所重修勅令所其設局不一最後獨存今名渡江因之而累朝太典用以秩序矣書既屢奏御賞煩費後官寢冗紹興末例罷去至是始復之然視曩時官省三之一吏胥徒省三之一凡共億之事又大省惟不務為虛文而典領則並委一二大臣不敢少損焉示三凡重事必有致其要以詔官

府又所置刪定員率資歷未可登他曹則於此乎儲之士得優游其間歛身於防益明習國家憲令以適於務夫謹法度廣賢才上之復是官也抑豈為無旨哉刪定有以他官兼詳定有為同者中又省去今定為提舉官二以屬宰相同提舉一以屬執政詳定一從官為之詳定官五蓋以今為著曹以典領重故也因得附離姓名于壁淳熙戊申四月記

建隆編勅序

呂伯恭

太祖皇帝受命穆清肇造區夏建隆之元號為天地重開運命左右之臣申明憲章論次律令創業垂統為萬世則越四年七月己卯判大理寺臣儀上建隆編勅四卷宏規丕矩易簡坦明揭於象魏藏於有司職於秋官盼於郡國用啟祐後聖繼繼承

承咸以正罔缺確乎致治之成法也臣涵泳聖涯固不足以測知乾坤闔闢之緼然職在翰墨其可以詞語淺薄為解謹齋心極思而序之曰一天下者必不嗜殺人然後定惟五代之亂疆陵弱眾暴寡無知之氓奔者聘欲跡三尺法猶弁髦土梗而大奔之奪攘不忌剽劫顯行上之人厭苦其難治於是為一切之法以求勝民不師古始墮壞先主金科玉條之制相夸以虐相高以險奇請他比溢於几閤黥膏老吏生死於簿書之間猶不能徧識于機萬筭閱民而納之死悍臣酷吏奮其抵案斬艾擊斷專決不請駢首就戮血流波道民舉足而蹈陷穽側身而入河海靡衣媮食不為終日之計時君偃然自以防民之具高視前世然法出姦生令下詐起姦究無窮而鈇鉞不足凶威毒燎

腥聞于天上帝震怒崇降罪疾亦罔克永世惟我藝祖奄受方
 夏代虐以寬賞于太息思欲滌除苛法撥亂世而反之正深詔
 通明乎恕之士傳以經誼蔽以人情成書之布前自后凡較然
 畫一以四卷之簡而馭億萬生齒之繁風流篤厚禁罔踈闊斯
 民安土樂生不敢以身試法駸駸乎圜空刑措之治矣昔之為
 法愈多而犯法亦多今之為法愈寡而犯法亦寡昔之防民日
 嚴而民日慢今之防民日寬而民日謹昔之吏屈首朱墨而不
 足今之吏從容畫諾而有餘是知為治之道果在此而不在彼
 也深仁厚澤克開厥後民之戴宋永永無窮後世雖有作者蔑
 有加於此矣世之議者或謂藝祖之法以威克厥愛為王臣竊
 以為聖人之用刑若醫者之用藥當疾之初乎藥店未可一朝

去也必俟元氣稍勝則藥石稍損元氣俱復則藥石俱損藝祖
 拔民於水火之中如疾之初乎者也故於前代之刑猶存十一
 於千百至於後聖教化益明則刑益輕慶曆嘉祐以來鞭笞之
 罰不下于士大夫實推本藝祖好生之德孰謂其尚威乎臣懼
 後之有司不察藝祖制法之原謹復列之於末以告來者

刪定官

歷代沿革宋舊刪定無常員大觀二年詔太曹刪定官併入詳
 定一司勅令所為一局四朝志後省紹興十二年徐度申請
 哀集建炎紹興詔旨今專置一局之權行復置刪定官以三
 員為額於行在職事官內差兼詔依舊以勅令所為名後省

乾道六年復置勅令所汪太猷申請正差刪定官乞繫銜充詳定一司勅令所刪定官兼刪定官繫銜兼詳定一司勅令所刪定官淳熙十五年林栗申請廢勅令局刪定官並照淳熙二年復置局差刪修官二員勅令所題名

古今事實

勅重令輕

宋朝錢象先知律令屢為刑法官預修慶曆嘉祐編勅及州縣諸路條貫常以犯勅者重犯令者輕請移勅文入令者甚眾又嘗議告捕法以為罪有可告捕者皆許捕則姦民得依法以害善良因省去許捕之條百餘其持法近厚如此勅成例進勅勅仁宗以其毋老有以慰之乃獨賜公三品服神宗實錄

人物為寶

左文林郎刪定官鄭剛中字亨仲引對願下詔不得以虛名文具欺罔朝廷翌日進呈上曰近所引對多是人材朕雖得珠玉珍玩不足以為寶但冀得十數人物乃足為寶也學士院降詔出榜朝堂以剛中為左宣教郎充樞密院編修官中興繫年錄

好古識奇

李才公麟字伯時用陸佃薦為刪定官公麟博學好古多識奇字東都事略

入對三事

勅令所刪定官金安節入對上三事曰人才當長養成就之取其第二奏行下旬日以為司農丞系年錄

訪求舊史

汪太猷乞重修法令上極以為已任推舉詳明通練之士以自佐訪求舊史細羅故牘年餘書成孝宗取進本列於選德殿之左右朝夕觀覽樓文苑集

史館校勘

歷代沿革兩京新註省內本統經史及太史曆象之職後並為列曹惟主寫書校勘而已會要

古今事實

文章召為

宋朝歐陽修以文章冠天下景祐初召試為館閣校勘東都事略

釋褐召試

范鎮字景仁成都人舉進士為禮部第一釋褐用參知政事于舉正薦召試學士院除館閣校勘同上

古今文集

古詩

勸書

孫僅

儒家無事外招客勸書編筆墨東西置朱黃次第研頻憂傷點竄細恐誤流傳改易文辭正增加字數全端坐窮令古拔襟見聖賢得與忘昏曉題名記歲年棲毫思確論廢卷為忘篇魚魯皆刪定誰人敢闕然

律詩

答曾無疑校勘

劉克莊

詩到黃初字永和半生西望邈明河已招學士來儒館更欠山人拜諫坡四庫舊書存有幾五朝遺老苦無多傳聞將誰確禮水駐驪駒白玉珂

和鄭讐校

楊炯

銅門初下辟石館始沉研遊霧千金字飛雲五色霞

六曹部遺

六部監門

歷代沿革古無此官宋渡江後紹興二年詔置六部監門官一員從堂除差從人吏部尚書沈與求之請也尋詔六部長貳

踏逐秦差沈與求等舉新平江府通判董將詔依中興會要

隸尚書左右選見中興會要尚書左遷注內遷則為寺監丞

或權郎外除至有為諸路總領者紹興十年呂即中希常二

十四年蘇寺丞振息也乾道後補外止為州內遷止為寺監

簿紹興後又有為添倅者其遷寢輕矣朝野雜記

古今事實

選文臣充

紹興二年詔置六部監門官一員選陞朝人文臣有才力人充仍令六部長貳奏差中興會要

依寺監丞

設置六部監門官序位請給依寺監丞同上

掌司門鑰

掌司門鑰之嚴 胡文恭行呂惟簡制 更司門鍵 許公集制

古今文集

雜著

六部門官廳壁記

陳國哀

乾道登號之七年。厥既庶職咸理共趨平治上思以固其勤也。有詔自執事亦而入蓋采而退小大之吏罔不惟上訓是迪無或敢有佚豫而六部寔天下政事之樞綱自要領闡闢在是故奉詔益嚴非他攸司比也。凡部官亦未之出入疾病之變告與其謁制之可否悉聞諸部門部門受其出入之時以聽上稽訪司存蓋至是而愈重矣方是時奉行列曹之命以正胥吏

之失贊長貳竟懲決以導張官之意擬循其細事也。南陽韓君子厚其粹而度來居是官始至適遇勤政之詔則遂環顧其職以謂舉天下之政事悉囿諸六曹職有弛張事之廢興基焉。今隸職於中者操筆疾書略不敢後猶後羣有司正宜而門官者倘不能先時而至抵其出入而聽其命是亡具也。則盡棄去一切格敬厥事復撥其餘力以取前任人名氏身董將而下皆書石而鑿之嗚呼天下之事要毋忽其小者爾昔鄭子產聞盜而為門者而春秋犯門之誅謂于國紀子厚既盡力門職於古無愧又補直鑿漏不數於其小者題名蓋其一也。斯反而顧天下事奚難哉官建於紹興之二年法以陞朝有才力者迺在選而班祿賦寺監丞其自是為丞郎者凡十有五人焉君子謂是官

也為要職。乾道八年歲在壬申。於十二月且日記。

續紀

陸垞

部門有官中與初制也。凡天下之事。隸于部。其綱要有六。其司存。一于有四。其間劇易不同。皆足以展四體。司鑰者止。其出入奉列曹之命。惟謹。夜漏未盡。僕僕趨局。不敢後。長貳未退。則屏息以俟。率是為常。雖欲求以自見。不可得。然則是官豈徒設哉。國家官久。以才儲才。有地其始進。而需用於部者。有一焉。錄京秩。則為門官。錄小選。則為架閣。一官資歷雖殊。職間無事。則相似。大抵不以才用。而以才選也。嘉禾蔡君開以邑最。稱方退。沈銓得符黃岡。忽有旨。故畀廟論。以恬靜特選之。益信其選為不輕。用蒞事。按求題名之舊。歲久員溢。書止於王麟。闕而不紀。

向之隱是而得。靡節者適致。齎錢乃勤。堅珉彙次。官氏自傳。誠以下。各謹其歲月。俾來者相繼登載。若迺因名以跡。其實頭晦。升沉未容。際論而其卓然著見者。亦得以託不朽。後之覽者。思其所可繼省。其所不逮。悅焉。日孜孜。常恐無以稱上之選。毋徒兀兀坐曹。諉曰無所事。姑賦為進步之階。必使所居官。錄是決焉。斯可矣。手指目視。是否。票然。豈苟以為觀美云。嘉定初元臘日記。

六部架閣

歷代公董

古無此官

宋元豐有六曹架閣庫

續會要

崇寧元年

何執中為吏部尚書。四選按集吏藏于家。以舞文取賄。執中

請置庫架閣命官治之是後六曹依舊置宣和二年罷續會要宣和二年戶部勘會紹興三年立六部架閣庫中興題名記

古今事實

各差一員

紹興十五年詔復置官吏部戶部各差一員禮部兵部各差一員刑部工部各差一員以主管尚書某部架閣為名中興會要

舊制有二

舊制官庀其司置于六部之內或遇其廢則以省郎兼之否則以監六部門兼之迨于紹興寺丞簿正官俱復然始庀司于外一也舊制金耀門文書庫多歲三司帳籍三司今版曹也自銓曹而下儲藏帳籍之所未之聞焉其後置六部架閣下大抵成

案留部二年然後畀而藏之又六年則入之金耀今金耀無復曩日則悉藏於架閣庫二也二者不同而至于諸曹二十四司之文章盡諸儲蓄以待有用則今猶昔也中興題名

論當世故

杜莘老字起莘以珍南一教授客中都見九重方更化因上書執政執政偉其說薦為六部架閣明年華見東方公奏對直論當世之故語益切直遷為刪定劉後溪撰文集

周書漢故

其任似周司畫其選似漢掌故中興題名

古今文集

雜著

海文類聚續集 卷之五 三五

論架閣庫文字

周必大

臣聞先收圖籍者賢相之規模綠絕簿書者姦吏之常態今天下之事其來無窮故六曹文書鱗次山積紹興十五年五月初復主管架閣官遂部置庫凡文案皆謹藏之置都籍焉二十七年九月又詔文書已結絕過二年者以歲月先後分類字號編次架閣仍月輪逐曹即官點檢具有無遺失申尚書具法意非不善也其如歲月滋久浸不加省屋宇踈漏風雨弗蔽至其甚則吏惡書已而去其籍每見四方之人經部陳埋身事者稍涉歲月吏必以無案牘為解是豈可不申嚴舊法而為之制哉臣愚欲望聖慈委逐部主掌官將所置都籍逐一點勘每月赴部書押令郎官至期躬親檢察如紹興之制仍置一般簿籍置藏

於長貳廳以備參考間遇取索案祖須即官押帖子下主管官方許封送合千人毋得擅放庶幾積弊稍革不失有司之職其庫屋踈漏者亦乞降指揮早行修葺免致摧毀取進止

乞修架閣庫

周必大

臣先於淳熙二年十月內曾奏陳六部架閣庫文書浩繁屋宇損弊乞照紹興十五年置庫指揮嚴加整比及今有司早行修葺當時曾奉聖旨依奏其庫屋令臨安府檢計修葺經今又已四年近日輪郎官點檢則所謂屋者仰視乃與天通傍觀始無壁落兩月前曾有人艤舟于岸偷竊吏部案卷勅黃之類欲載往外州作故紙出賣既覺察擒捕即投棄水中慢藏誨盜必至於此臣愚欲望聖慈詔有司日下計料修整毋若往歲視為閑

慢官司虛降旨揮兼六部架閣主管官共四員自來臨安府應
副居止若就庫側允換解舍使其朝夕便於檢校免致疎失亦
關防之要術也所有臣元劄子併錄在前今取進止

六部架閣廳壁記

基更生

皇朝景德中置金耀門書庫貯三司文案隸尚書省架閣有庫
蓋未嘗先省而始及部也崇寧大臣初二夫官建議置吏部架
閣官其後六曹皆設繼迺省去訖宣和再置再省紹興三年六
部悉有架閣庫十有五年置官四人禮兵一人刑土一人吏戶
各一人曹始備官特詳於部而無復及於省矣省有留牘藏在
諸房雖兩歲一遣架閣然屋室頽漏上雨旁風擲棄地間誰與
顧省鼠噬蛛絲蒸鬱糜潰不可收拾吏有絕無才藝他司棄而

不收者始竄名是間虛沾名俸而其身未始一到時有檢討湯
然不知所存不得已而下取之部回還曲折稽緩後時卒不可
得朝廷深察其弊乃議建官即省閣之申維創以為庫初立廳
事後植閣三間旁為兩翼蓋因修省之餘材凡踈壁寢既卑且
漏不足以備充棟之藏架閣官基東生首切是選力請於朝得
緡錢二千有畸增其閣十三共為十有六間列三省密院為四
庫衍廳之宇挾而成五門內之右為鑿室直房以便細事外門
之左本庫地也今省府貸以為計簿房右復借為潤園皆未敢
請復庫之門蓋直東出西則吳山右墻嚮南為戶部度支左墻
枕北當民居之道異時書多地狹尚可相其便者而圖展焉三
省密院之書既已各列一庫庫列諸房自未置官以前者為一

書置官以後其方來者爲一書歲月可稽門例無雜凡有前朝御筆者則朱箱金瑣炷香而藏于閣之中所以見尊君之義也肩鑄森嚴出納有籍規式詳備吏不得欺是直有益於官不可謂緩而不切者也嘗觀唐六典書載亭長掌固兩屬于尚書省亭長主守省門通傳禁約掌固與亭長皆同番上悉爲省屬今嘉定甲戌朝廷既謂部有司門省則並置明年乙亥以部有掌故省亦建官是唐朝之亭長掌固與景德之省有書庫者今皆舉而復之矣傳曰修廢官四方之政行焉是不容無紀用取架閣官姓名由今洎後刻於下方嘉定九年三月吉日記

六部架閣庫題名記

李大異

皇朝肇建中臺分六官而設之屬文書之夥月益歲滋枋在得

手並緣姦蠹識者病之崇寧間何公執中爲吏部侍郎始建議置吏部架閣官於是棟架萬數揭而目之前最後凡一索而獲人以爲便後諸曹皆置官如吏部之制未幾悉省之迄宣和再置省紹興三年立六部架閣庫十五年復置官四人今四十七年矣異時百司庶府皆有欵刻以識前後居官者茲獨因仍闕而未著紹興二年主管官王君次春陳君邕雷君孝友相與哀集題名三月題名成屬大異爲之記大異竊惟古昔以來圖籍爲重是官之建寔謹其藏其任似周司書其選似漢掌故可以攷閱故新尋緒本元所謂若緩而急者嘗試以舊章參之今日雖或稍異而其歸則同舊制官在可置于六部之內或遇其廢則以郎省兼之否則以監六部門兼之迨于紹興寺監簿正

官俱復然始司于外一也舊制金耀門文書庫多藏三司帳籍三司今版曹也自銓曹而下儲藏帳籍之所未之詳焉其後置六部架閣庫大抵成案留部二年然後昇而藏之又八年則委之金耀今金耀無復曩日則悉藏於架閣庫二也二者不同而至於諸曹二十四司之文書監歸儲蓄以待有用則今猶昔也夫豈特文書為然惟官亦然故其職間無事視他司為最自公退食得以披冊讀書充其素業疇昔著定有缺多于此焉取之朝廷之於士可謂無負矣雖然凡士之處於世道積厥躬德足乎已者皆儲蓄之義也知此則無負於朝廷矣大異虛薄不足美雖嘗居是官而於此有愧焉愧焉而復言之蓋自知其不能而將以懋夫能者也題名之作所以書名氏紀歲月其有軼

而不可致者如嗣後之人續志之惟書建官之本意以命鑄者

大部架閣續題名記

徐清叟

大部架閣置主管官周司書漢掌故遺意也國朝公革廢置李公大異紀載已詳不復贅竊惟是官之設豈特掌若吏若戶若禮兵若刑工故積而已哉凡庠序之英科自之彥公卿大夫子弟之俊秀者朝家就有擢用必儲以是職以待學官二令之闕其選至不輕而重然余嘗摩娑石刻自南渡紹興以來至於今日凡百有餘年其間賢宰執名法從有焉給舍臺諫風采振揚者有焉擁麾節于外能以澄清摩撫為意者有焉得久維多而姓名黜黜與草木俱腐者亦未免有之然則居是官者詎可無以大是官歟寶祐元年春三月第四題名石黃君叔度偕同

事類彙編卷之五
列以余嘗主戶曹之籍囑余為之記辭不獲命乃作而言曰余
老矣徒慙無補不足為故府重也諸君進未可量且職清事簡
尚羊金耀之門會聚津雲之閣盍亦相與講明立身行己之太
方培養康時濟世之遠業求以無負明時之選掄者乎若夫擴
簿書以為能玩歲月以觀遷則非余之所望也眾曰唯因書以
詔來者

六部架閣續題名記

朱龜孫

士君子生覆載間小而為天下國家大而用天下國家要必有
攸始也掌故其登朝之始乎國家置是官為儲材地由是歷清
要登貴顯者相踵孰正孰邪孰忠孰佞攷之題名班如也羅君
京子一日謁余而言曰故府題名又續石矣子嘗居是官幸與

序其首余應之曰是石也豈將以矜名位而誇後世乎抑將以
昭令德而垂無窮乎豈將以紀歲月而示久近乎抑將以著徽
惡而寓鑒戒乎端純鯁鯨乃石之榮依阿苟容斯石之羞千載
而下是非善惡皆於是乎求之噫可畏也雖然聲應氣求各從
其類盛衰消長亦惟其時周之司書即今掌故是也當時不繫
之他官而必屬之冢宰意有在矣方今聖賢相逢登明選公實
為諸君干山之遇盍勉厥始用昌厥施庶斯石無玷而故府有
光焉羅君曰然請書以誌

新編古今事文類聚遺集卷之五終

新編古今事文類聚遺集卷之六

新編古今事文類聚遺集卷之六

建安 祝淵 宗禮 編

金陵 唐富春 子和 刊

寺監部遺

總九卿

補新集諸寺部之首

歷代公董夏制九卿圖亦九卿圖六官是為六卿又立少師少

傅少保是為三孤與六卿為九前漢百官志漢以太常光祿

勳衛尉太僕廷尉太鴻臚宗正太司農少府亦謂之九寺太

卿又置十二卿執金吾大長秋將作大匠後漢分屬太尉司

徒司空梁天監中象四時置十二卿春卿太常宗正司夏卿

皇朝通志卷之六

太府少府太僕 秋卿 衛尉廷尉太匠 又卿 光祿鴻臚太舟即

都水 後魏置六卿 各有少卿 北齊謂之九寺 隋唐因之 龍朔

改名 凡卿皆加正字 若太常卿為奉常正卿 後復舊 又九寺

皆曰棘卿 見通典分紀 宋朝雖設九卿 皆以為命官之品

秩而無職事 元豐正名始有職掌 中興以來 併省九職 除太

常寺太理寺不罷外 宗正以太常兼而衛尉併兵部太僕併

戶部太府司農併戶部 光祿鴻臚併禮部 紹聖復置 宗正太

府司農餘遂廢 中興會要

羣書要語 卿慶也 言萬國慶賴之 釋名 卿士惟月 書洪範 王之

朝焉 並同上 國卿君之貳也 民之主也 君之卿佐是謂股肱

並左傳 舉一國之高以為九卿 淮南子 恤我九列 注九卿也 帝

玄成傳 曹太子來朝 賓之以上卿禮也 左傳 齊宣王問卿曰有

貴戚之卿有異姓之卿 孟子 九卿法北斗 公紀 九卿法河海 春

秋漢舍孳 九卿通寒暑 晉志 天子立三公九卿 所以順成其天

道 白虎通 九卿位為列棘 南史 伊尹曰九卿之事常在於德

六卿分職以倡九牧 九卿者所以參三公也 並說苑 高冠兩

梁入綴班於九列 歲表類 列卿犀節 同上

詩句 猷納開東觀 君王問長卿 杜詩 卿月昇金掌 王春度 玉墀

杜送馬大卿赴關 九寺各卿才思雄 姚合同 諸公會 太府韓卿

古今事實 管仲授禮

皇朝通志卷之六

齊侯使管夷吾平戎于王王以上卿之禮饗管仲仲受下卿之禮而還左傳

敬仲辭位

齊侯使敬仲為卿辭曰羈旅之臣敢辱高位以速官謗同上

不如臨貴

齊桓公使管仲治國對曰不如臨貴桓公以為上卿

不如魏絳

晉悼公使張老為卿辭曰臣不如魏絳之智能治大官其仁可以利公室君在卿位內外必平國語

三珪之位

楚昭王進屠羊說以三珪之位謂三卿皆執珪莊子

賜金百鎰

虞卿躡躄擔簦一說趙孝成王賜金百鎰再見上卿史記

龜鈕犀印

漢官儀曰卿秩中二千石孝武令通官印方寸大龜鈕又司馬彪漢書曰二千石以下至四百石佩兩印皆以黑犀

藻衣花綬

漢官儀曰衣裳卿大夫藻衣綬青地桃花三彩又純扇朱輪參差文映藻衣花綬焜燁生光初學記

再登四至

濮陽段宏始事蓋侯信信任宏官亦再登九卿史記前漢許商善美四至九卿儒林傳又續漢書沒黯姊之子司馬安巧宦四

至九卿

參決朝議

古之上卿次公一等至於西漢每與列侯參決朝議類要

主治萬事

三公北三星曰九卿主治萬事隋志

號曰名卿

牟容為太司農性明白號曰名卿東觀漢記

惟月象河

長慶元年給事帝景封還駙馬劉士涇為太僕卿制云惟月象河稱重

行有佩玉

後漢左雄言九卿位亞三事班在六官行有佩玉之節動有序之式左雄傳

身帶三綬

馬防位至九卿上絕席身帶三綬寵貴至盛也職官分紀

籍田令

補新集司農卿之後

歷代沿革周為甸師漢文帝感賈誼之言始開籍田置令永掌耕國廟社稷之田春始東耕於籍田祠先農大賜二輔二百里孝弟力田三老帛種百穀收萬斛立為籍田館穀皆以給祭天地宗廟群神之祀東漢及魏關中武復置江左省宋元嘉中又置通典
宋朝掌帝籍耕耨出納之事五穀蔬菓藏

水以待用四朝志元豐三年詔籍田令隸太常寺續會要濠

江初闕紹興十五年初除康與之為籍田令三十二年詔籍

田司權罷官吏並罷後復置中興會要

羣書要語春籍田而祈社稷也詩甸師掌帥其屬而耕耨王籍

以時入之以共盛盛周禮

詩句帝籍開千畝農功先九州王孫守耒耜吏隱極風流永夏

豐草木五雲衛郊丘黃山谷規地餘千畝三推示勸耕虞犧猶

故宇潑麥有新楹日至土膏動雪消泉脉生城中苦羈束野徑

得閑行將之奇

古今事實

天子親耕之禮

宣王不籍於千畝號文公諫曰古者太史順時視事上氣震發

農祥晨正先時九日太史告稷稷以告王乃使司徒咸戒公卿

百吏庶民司空除壇千籍命農大夫咸戒農用先時五日即齋

宮百官御事各即其齋三日王乃淳濯饗之及期王裸鬯饗醴

乃行百官庶民畢從及籍后稷監之膳夫農正陳藉禮太史贊

王王耕一撥班之三庶人修於千畝其后稷功太史監之司徒

省民太史監之畢太史陳饗王飲太牢班嘗之庶民終食是日

也則徧戒百姓紀農協功日陰陽分布震雷出滯土不備墾辟

在司寇乃命其旅曰徇農師一之農正再之后稷三之司空四

之司徒五之太保六之太師七之太史八之宗伯九之王則大

徇耨穫亦如之民用莫不震動恪恭于農王弗聽史周紀

立表籍田賦

宋朝杜華老兼籍田百千畝皆上腴而歲取甚薄耕者行賦以
爭射更每於歲首步頃畝視賦之厚薄為予奪疆畝所接皆苦
之至是舉故事請度田華老曰是無盈縮安用度乃立表大書
於四境且籍耕者賦耕田有定數吏縮手不得傍近民感悅至
今賴之中興系年錄

古今文集

雜著

籍田賦

王禹偁

臣謹按周制孟春之月天子親載耒耜耕籍田務本勸農之
道也所以事天地山川社稷先古醴酪粢盛于是乎取之恭之

至也自周德下衰禮文殘缺故宣王之時有號公之諫秦皇定
霸鮮克由禮漢祖隆興日不暇給孝文孝景至獲行焉昭帝弄
田亦其義也後漢永平中明帝東巡耕于懷縣非古制焉魏氏
親耕闕百官之禮蓋草創也晉侯太始之年略修隆典宋文元
嘉之代亦舉豫章齊用丁亥之辰梁以建卯之月後魏北齊沿
革有異隋朝唐室文物可觀太宗行之于前明堂繼之于後自
茲已降廢而不行將煥先農必待真主皇家享國二千載陛下
嗣位十四年武功已成文理已定乃下明詔耕于東郊禮也百
執于是悅隨三農以乏知勸禮官博士蹈舞而草儀甸師齋犬
歌詠而供職長洲縣令王禹偁聞而揚言曰耕籍之義大矣哉
千畝之田三推之禮所以教諸侯而事上帝率人力而成歲功

實邦國之彙，尊皇王之大禮。昔潘安仁賦之于晉，今岑文本頌之于唐。事美一時，語留千載。今王道行矣，王籍修矣。玄功大業，煥其有光。宜昭頌聲，以播樂府。望闕拜手，謹上籍田賦一首。雖不足形容盛德，亦賤臣勤拳之懇也。其辭曰：王四年，今帝業昭宣，寰區晏然。乃順考於古道，將躬耕乎籍田。務本勸農，稽前文而備矣。事神教養，舉墜典以行焉。萬國歡心，而懌懌百官供職。以虔虔尊儀，注於聖代。公議章於遺編，築壇埤之二陸。開阡陌之百畝，文物聲明。合禮經而有度，旌旗衣服應方色而不行。既而屆孟春，擇元日。太史先奏，天子將出。是月也，道人徇路，星鳥中律，當東郊之迎春。是東作之平秩，皇帝于是即齋宮，辭帝室，戒揚鑾，嚴警蹕。乘青輅，以有威儼。朱紘而無逸，佩乎玉也懸。藜

之色蒼蒼，載其旂焉。干呂之雲鬱鬱，屬車負播殖之器。後宮猷種稼之實，洪厩食糗服。慈牯以陸離，影軛紺轅，駕蒼龍而飄歛。太常之禮具，舉司農之屬。各率畋師，掌舍驚御陌，以惟嚴。封人野廬，設饋官而靡失。于國之東，于官景從。風伯清塵，而習習用師。灑道以濛濛，時也。木德盛，陽氣充。春芒甲拆，青青而蔥蔥。春工脉起，油油而溶溶。冠蓋蔽野，環佩咽風。狀浮雲兮隨應龍，旂熾張兮日車從塞。空若眾星兮環璇宮，修農事以惕惕。襲春服之重，重尔乃配少昊祀先農。尸祝無愧，豆籩以供。太牢之牲薦之，而肥膾太簇之樂奏之。而春容于是修，帝籍勞聖躬。撫御耦以無意，復遊場而有蹤。將循乎千畝之際，豈止于數步之中。耕鈞盾之弄田，但矜兒戲。修建康之王籍，未煥農土。有以見萬乘之

尊三推而舍或五或九降殺之義有倫爾公侯貴賤之班相
亞裔夫麗種以斯畢庶人終耦而告罷千耦其耕煥乎禮成播
百穀兮率人力歌載芟兮揚頌聲將見乎餘糧棲畝腐粟如京
神倉令納其禾黍以備采盛廩義民收其穰藁南餉犧牲親畎
畝兮化被重人夫而教化自得訓農之資非貪慕古之名然後
下親壇歸絳闕百姓知勸群后咸竭在鎬之宴啓歌虞之音發
猷萬壽兮歡呼奏九韶兮鏗越行三尚之行惠宥五刑而慎罰
恩流於孝悌力由德被於雕題辨髮與五土之利固必躬而必
親同三代之風尚不矜而不伐大矣哉籍田之禮豈三年而不
爲躬耕之義將百代而可知我所以舉已墜之典立不刊之儀
慮弗動於四體將有害於三時務農桑今爲政本興禮樂公爲

教資民乃力穡歲無阻饑神農斲木之功我其彰矣后稷播時
之利我得行之供巨粟以斯在公豐年而有期丕顯事天之禮
誕誥祈社之詩祀山川兮神監昭矣配祖考兮德馨遠而永錫
純嘏用光孝思乃作頌曰倬彼東郊公田是闢太君戾止言耕
其籍帝籍既修爰及公侯親爾耒耜服爾田疇言採黍稷祀于
圓丘億萬斯年以永天休又曰倬彼東郊耕壇其崇太君戾止
言訓其農農功既最俾知榮辱爾家以給爾人以足言奉蒸嘗
徧于比屋億萬斯年以介景福

籍田記

吳茲

臣嘗觀三代而上禮樂興行凡見聞者咸諭德意遷善遠罪若
固有之何其盛也蓋其動容周旋舉不外此身教而力行先實

而後各故民之從之也輕迨其未流墮缺不嗣始以禮樂為虛器而世主莫或知其可用間有願治慕古之君不過掇拾容典取其近似者而行之以粉澤太平為美觀而已乃復當饋而嘆以為淳樸澆散不可復追未若政刑之急於用也豈不悖哉竊惟神宗皇帝睿聖生知輔以問學深達禮樂之情不牽不拘故其典章之盛風俗之懿計美成效莫與比隆雖臣愚不足以識知盛德之所以然然竊於籍田見之惟斯禮之不講尚矣粵自號公大諫宣王不式寥寥史冊曠世一書習傳頌嘆以為潤典國家承平百年五聖接武所以教民敦本崇孝者其備然干畝之禮未克是正即于東郊實諸候禮薦享之用取具臨時不獨不度神考是悼乃詔有司度地國南溝墜廣表務合於古屹屹

崇壇先農是詞耽耽齋宮於焉祗祓府史徒胥莫不備設統之以令而隸于太常農祥晨正土長冒楨各揚所職無敢不敬迨其西成嘉穀茂實鍾而藏之是為神廩上帝采盛於是乎出取為酒醴百禮既洽稟稊養牲性則肥碩蕭茅所供下逮果蔬凡歲時所以事天地宗廟者罔不取足於是德馨所聞神其有不懷者乎風雨其時歲以屢豐四方萬里是則是效昏于作勞捐弃未習和順輯睦奉先以孝此誠二帝三王之盛節也與暫行以為美觀者孰得孰失固不待較然未有載之文字刻于金石者臣既撰次其事竊伏思念先皇帝既正王籍矣而未遑三推之事意者留以遺陛下踵而成之乎伏惟皇帝陛下繼志述事此駿惠我神考之烈行聞訓敕有司刺經錯事以舉雍熙明道

之故則臣也望朱紘之光聽鸞輅之音作為歌詩以告成功而繼夫載芟之作其必有日矣臣謹記

籍田議

張凜

臣等前奏帝籍神倉國語宣王即政不籍千畝號公諫曰不可夫民之大事在農上帝之粢盛於是乎出王耕一撥度人終於千畝廩千籍東南鍾而藏之注廩御廩一名神倉東南生長之處鍾聚也謂為藏書所籍田以奉粢盛臣等看詳周禮甸師之職掌率其屬耕耨王籍以時入之以共粢盛詩之載芟春籍田而祈社稷宣王不籍千畝君子譏之春秋諸侯之國尚有御廩自漢及唐亦皆有帝籍神倉蓋先王于天地宗廟之事其醴酪粢盛之所出必專且潔然後可以盡其誠孝而交于神明今帝

籍神倉久廢不設凡祭祀之所用皆索諸市非所以教潔誠也欲乞度地千畝設官掌之以供粢盛為神倉于田之東南餘金略依古制為極嚴奉之意臣等再拜按周禮甸師耕甸王籍以共粢盛又前後漢南齊隋並有籍田令永唐有廩犧令亦掌籍田之事今具立法下項

- 一乞下三司於京城東南標撥田千畝下太常寺舉官一員充籍田令專切管勾仍令所屬縣知佐同管勾所有召入耕種及合行事金委所管勾官筆畫申請施行
- 一乞下將作監以先農壇就籍田中建置并就田東南建立神倉及祠先農官齋之所其地在千畝之外別具圖子

秘書正字 補新集秘書監之後

歷代沿革後漢桓帝初置秘書監掌圖書古今文字考合同異其後監令掌圖籍之紀監述作之事不復專文字之任矣今之正字蓋令監之遺職校書之通制歷代無聞宋集書省有正書秘書省有正字隋因之掌刊正文字其官資輕重與校書郎同貞元八年屬集賢殿通典宋朝初為寄祿官元豐正名始實有職事編集校定正其脫誤則正字主之四朝志建炎二年罷紹興中復又參酌舊制必召試學士院而後命之中興會要

羣書要語亥之與豕涇渭難分巒之與魚滄滄莫辨張鷟集注

云有人續史云三不渡河子夏日巳亥渡河校之果然又簡牘

磨滅以簡為陰以魚為魯辨門閨之非察陶陰之繆同上注云

左傳杜預據長曆此年無閏月當為門五日後人五土為合閏

遂以意定之刊魯照於往籍唐牛僧儒制亥豕有差魯照為弊

續通典長興三年校經籍敕是正文字之官實為儒學之選南

豐擬制瓊瑤玉佩父應接武於夔龍貝闕珠宮尚困守關之虎

豹張子湖上陳正字啓

詩句城南晁正字國器無等雙黃山谷詔謂正字當居中楊誠

齋送蔡正字又應芸閣吏恐我僻兼愚劉得仁夜訪劉正字

古今事實

名播天下

喜文貞及貴集

唐蕭穎士天寶中為秘書正字于是裴耀卿席豫張均宋遙高述皆先進器其才與鈞禮由是名播天下唐書

海內文宗

陳子昂字伯玉初舉進士上書武后召見金華殿子昂貌柔野少威儀而占對慷慨擢蘭臺正字唐興文章承徐庾餘風天下祖尚子昂始變雅正初為感遇詩二十八章王適曰是必為海內文宗

通玄神童

吳通玄父道瓘為諸王太子授經通玄兄弟出入禁掖常侍太子遊通玄與兄通微俱博學善屬文文彩綺麗通玄幼應神童舉釋褐秘書正字

耀卿弱冠

裴耀卿少聰敏數歲解屬文應童子舉弱冠拜秘書正字並唐書

明字未正

劉晏以神童為秘書省正字方年十歲嘗晤過人上召入樓中貴妃置於膝上為施粉黛上問晏曰汝為正字正得幾字晏對曰餘字皆正惟明字未正明皇雜錄

守道安恬

宋朝洪文公遵除正字閣下多前輩皆以畏友待公明年春文惠公繼來縉紳榮之秦燿為祕郎執勢焰赫赫公守道安恬留滯不遷周益公集

安恬靜默

事類彙編卷之六

范祖禹字淳父。司馬光辟。同編修。資治通鑑書成。上章稱薦曰。臣誠不及也。由臣頑固。纂次淹久。致其沉淪。而祖禹安恬靜默。若將終身者。除秘書省正字。

不附荆公

范祖禹除正字。供職秘書省時。王荆公當國。人皆奔競。公未嘗往謁。王安國與公友善。嘗論荆公意。以公獨不親附。故未進用。公竟不往見。言行錄

面試詩賦

晏元獻公殊。年十二。真宗面試詩賦。疑其宿構。明日再試。文采愈美。上大奇之。即除秘書省正字。令於龍圖閣讀書。司馬溫公實錄

文字生知

楊億字大年。以童子召對。試詩賦五篇。下筆立成。太宗歎異。以為秘書省正字。制曰。汝方髫齡。不煩師訓。精爽神助。文字生知。越景絕塵。一日千里。予有望於汝也。東都事略

對策見奇

廖正一。字明略。元祐中。蘇軾在翰苑。試館職。士得正一。對策奇之。除秘書省正字。同上

奏篇見稱

李壁撰周益公行狀。召試館職。奏篇上。高宗見稱其文。諭丞相曰。他日可令掌判正字。

召試免試

紹興己卯。諫官何溥請館職學官皆試。而後除人。以為憚久之。

王十朋始以太魁直除祕書郎不試未幾闕員寢多復召予與
程大昌試止除正字其後無不試者至乾道元年黃石輪對稱
旨擢祕書郎仍特免試自廷魁之外不試者惟石而已

周益公集

待從合薦

陳師道字無已號後山居士少好詩一見豫章盡焚其藁而學
焉元祐中侍從合薦于朝起為徐州教授改潁州紹聖中以進
非科第罷尋召為祕書省正字著後山集十五卷

召試特命

韓駒字子蒼自布衣有詩名前輩稱許之政和初詣闕上書召
試中書特命以官除祕書省正字言者論其進不繇科第請為
第庫

文有氣韻

石悉字敏若政和初試中宏詞除館職四六之文有氣韻而務
奇性為詩清逸有補林集十卷

文頗富贍

劉弇字偉明儒學決科擢館職文詞頗似石敏若而頗富贍不
奇性

古今文集

雜著

館閣送胡正字詩序

洪邁

前二年詔起胡先生於建安以司直廷尉先生辭曰臣憲老矣
春秋七十有四居山林藁藁自足官于朝非壯有力而材者不

可臣老矣諠不得奉詔天子攬其章換以中祕書官使無累職
 事益自養先生不得辭句來來數月又請曰臣不能使老復少
 今形容旅力又不逮在前時而陛下留臣無為也於是宰相言
 胡憲半世為官進不能以寸願加寵秩之益廣聖世貴老貪賢
 之義即日拜八品京官予祠祿使歸歸有曰館閣之士八人舉
 故事載酒殿祖之於國東門之外相屬賦詩番陽洪邁獨拱手
 言曰先生之去美而其所去則不可夫翹關負乘擊劍馳馬
 加一日之老亦憊耳况過七十者乎至於雍容在廷標榜後進
 坐平安車痛輪之上懼不能老而已而先生去之是使黃髮
 皓之士終不一朝居也且陛下擇官以處奉錢廩粟歲時諸恩
 澤甚厚非所謂無入子思之側者滿朝賢大夫注意高仰無公

孫子側自事固之嫌儒生文士執弟子禮恐不得一解頰笑無
 有驩駒狗曲之誚而先生居之若不釋然者往來屑屑不憚煩
 於道路吾黨之士未有所聞於先生若之何同舍生暗曰疇昔
 之歲先生且對延英以病告上書公車卓卓然五千言今皆略
 施行其有補於朝廷多矣子之云云奈何邁竦然曰邁有罪酒
 闌以往諸公詩且成邁醉不遮愧不服詩獨序其所以然者紹
 興三十一年二月四日序

律詩

簡孫正字

趙師秀

空齋兀兀難消日况入中年睡亦疎洗釜煮蔬留客飲捲簾移
 菊看人鋤秋衣因病全無衲曉髮迎寒半脫梳多謝貴交芸閣

每文類集卷之六 一五 冬

裏許令隨意借官書

除秘書省正字

陳后山

扶老趨嚴詔徐行及聖時端能幾字正敢恨十年遲益長金根

校書名試學士阮絕句

王仲至

翠木陰陰白玉堂老來方此試文章官詹日永揮毫罷閑拂塵埃看畫墻

酬閣正字

李白

閣公漢庭舊沈鬱富才力價重銅龍樓聲高重門側

新編古今事文類聚遺集卷之七

建安 祝淵 宗禮 編

金陵 唐富春 子和 刊

省屬部遺

給事中

此下補新集省屬之後

歷代沿革秦加官漢因之所加或大夫博士議郎掌左右顧問應對位次中常侍侍中黃門諸給事中日上朝謁平尚書奏事分爲左右曹以有事殿中故曰給事中多名儒國親爲之東漢省漢復置或爲加官或爲正官晉無加官亦無常員在散騎常侍下給事黃門上武冠絳朝服宋齊隸集書省梁陳

亦掌獻納省諸奏聞後魏無其亦屬集書省凡六十人

後周天官之屬有給事中士六十人掌理六經給事左右

初無開皇六年始於吏部置給事郎煬帝移為門下之職位

次黃門置員四人以省讀奏唐改給事即為給事中前代

雖有給事中之名非今任也今之給事中蓋因秦之名用隋

之職通典龍朔改門下省曰東臺東臺舍人番拱改曰鸞臺

開元曰黃門省天典宋淳化四年以右諫議大夫魏庠知制

誥柴成務同知給事中事凡制勅有所不便宜準故事封駁

九年詔停廢知給事封駁公事自是始以封駁司隸銀臺會

要元豐五年四月知諫院舒亶試給事中自是給事始正除

為職事官續會要故事中書進熟進草惟執政書押官制行

給事中獨書畫黃而不得書草舒亶疑之神宗云造令行令

職宜分別詔給事中許書畫黃不書草著為令元祐元年門

下中書言後省修成所有省曹寺監條貫合冠以門下中書

後省為名從之紹聖四年葉祖洽言兩省置給舍廟堂設施

得以更相驗令使舍人兼封駁則給事職廢詔特旨書讀不

回避餘令互書元符二年曹筆言門下駁正中書違失近給

事封駁中書錄黃令舍人書讀續會要環官制宣和元年張叔夜

言命令之出中書宜奉門下審讀尚書頒行而密院被旨亦

錄付門下省神宗制也今急速文字不經二省諸房以空黃

先次書讀則審讀殆成虛設乞立法禁從之續會要建炎間

因舊制置門下後省以給事中為長官四員為額中興會要

紹興二年。韓世忠賞功文字。給事中賈安宅除工部侍郎。門下後省關官。乃詔檢正李與權書讀。此事亦前所未有也。中典會要

羣書要語 紫垣 仙掖 東掖 黃閣 並晏公類要 給事黃門

職在出納 曲阜除龔厚制 惟東臺論駁之司。乃萬事出納之地。

初僚除毛友制 左省駁議。不畏強禦。杜牧之行崔瑗制。給事東

閣。實掌駁議。白集除劉伯芻制。守駁正之任。道不依違。孫俸制。

朕付基命於中書。付審駁於門下。有事殿中之官。實專閱讀之。

任。其還東臺出納。惟允。曲阜除葉濤制。有事殿內之臣。職在於

乎。奏述詳論。命令駁其違者而正之。覆其善者而行之。至於決

獄官人。發驛遣使。申冤滯察。苛撓莫不總焉。南豐擬制。俾并瑣

闡以備顧問 白居易制

詩句 飄飄青瑣郎。文來珊瑚鉤。杜甫 平生批勅手。淡墨寫黃紙。

東坡 儒者給事中。顏公甚魁偉。黃山谷 瑣闥昔年司制誥。共嘉

文藻類相如。太宗賜楊億詩

古今事實

黃門

唐德宗以王緯為給事中。稱曰黃門要地。唐書 又黃門有畫堂

之署。漢官儀 禁門曰黃闥。內人主之。漢輿服志

青瑣

給事黃門侍郎。掌侍從左右。開通中外。及諸王朝見於殿中。引

王就坐。漢舊儀曰。黃門屬黃門令。日莫入對青瑣門。拜名曰夕

郎後百官志又青瑣門在南宮官閣簿又青瑣戶邊青鏤也顏師古曰刻為連瑣文而青塗也衛瓘注吳都賦

小門下

謂給事中雞小門下祿世呼待中為門下給事黃門為小門下雞

用名儒國親

胡伯始曰給事常侍從或名儒或國親東方朔中郎為給事中劉向諫議大夫為給事中後胡廣傳

賜爵關內侯

蕭望之漢元帝詔曰望之傳朕八年朕功茂焉可賜爵關內侯給事中漢本傳

以明經拜

前漢鄭眾以明經拜給事中本傳

任熙立德

任熙為給事中立德邈然晉書

清正廉潔

晉武帝詔燕王陳劭清正廉潔博通六籍宜在左右以敦儒訓可給事中晉起居注

忠篤履正

晉武帝詔曰郎中張達忠篤履正為江表士大夫所稱宜在中朝以達為給事中同上

駁止詔勅

給事中掌侍左右分判省事凡百司奏批侍中既審則駁止違失詔勅不便者塗竄而奏還謂之塗歸隋百官志

駁奏無私

盧鈞字子和有大詔令必反後省審駁奏無私唐本傳

給事草制

正元中上命盧杞為饒州刺史給事郎袁高宿直當草制遂執以謁宰相不悅遂改命舍人草制按此則給事宿直亦草制耶當考晏公類要

有宰相器

李藩字叔翰遷給事中制勅有不可遂於黃勅後批之吏曰宜別連白紙藩曰別以白紙是文狀豈曰批勅耶裴增言於帝以

為有宰相器遂拜相故史臣曰批勅有夕郎之風唐本傳

臚傳詔旨

齊映為人白晳長大言音鳴爽帝令侍左右或馬前臚傳詔旨唐本傳

鸞者如舊

唐薛存誠再除給事中仍是本廳鸞者凡榻杖履如舊晏公類要

數以忠進

孔穎達太宗新即位數以忠進唐本傳

古今文集

雜著

辭免除吏部侍郎兼給事中奏

洪咨夔

事類彙編卷之七

渙綸鳥奕震魄正營。臣竊以銓省者人材之權衡。瑣闥者國是
 之綱紀。裴行儉以知入之鑒。顯張元素以回天之力。稱匪得譽
 髦。曷當妙選。如臣者。背時謀辱。遇主光榮。鳳掖代言。兼徼鑿坡
 之直。虎門勸講。仍紬石室之藏。皆井不可以汲。深弊軍尤難於
 任。重謫焉。溢量奇甚。纏洞屢退。乞於叢祠。忽進。聯於法從。貳題
 才而既重。叅批救以尤嚴。求閑獲遷。服寵知懼。欲望皇帝陛下。
 官必懋德。器毋假人。念輔頰欲穿。莫稱論思之職。而精神已索。
 難居閱讀之司。毋拘反汙之嫌。特狗祝釐之請。用安愚分。庶保
 危蹤。

律詩

寄毗陵楊給事

劉禹錫

揮毫起制來東省。蹀足修名謁外臺。好著紫韉莫惆悵。出入
 武是全才。

和盧給事

姚合

鴛鴦簪裾上龍尾。蓬萊宮殿壓鰲頭。夕郎夜直吟仙掖。天樂和
 聲下禁樓。

再除給事作

薛存誠

再入青瑣闥。忝官誠自非。拂塵驚物在。開戶似僧歸。積草慚無
 徑。殘花猶洒衣。禁闈偏近日。行坐是恩暉。

絕句

王維

禁裏踈鍾官舍曉。省中啼鳥吏人稀。晨搖玉佩登金殿。夕奉天
 書拜瑣闥。

事文類聚遺集

卷之七

五

又 南省推丹地東曹拜瑣闈惠移雙管筆恩降五時衣 沈佺期

又 案積遺常禮朋儕隔等威旭日千明啓初春八舍歸贈蘭闈宿 沈佺期

昔談樹隱芳菲

又

言從温室秘籍向瑣闈通分曹八舍斷解袂五時空 沈佺期

中書舍人

歷代沿革漢尚書郎直宿建禮門秦事明光殿下筆爲詔誥出 魏置中書通事舍人東 令語爲誥令乃今中書舍人也 通典注

晉省以中書侍郎一人直西省卽侍郎兼其職而掌其詔命 宋初復置通事舍人四員入直閣內出宣詔命凡有陳奏皆 舍人持入參決於中自是中書侍郎之任輕矣齊永平初中 書通事舍人四員各住一省時謂之四戶權傾天下與給事 中爲一流梁用入殊簡以才能不限資地多以他官兼領後 除通事字直曰中書舍人自是詔誥之任舍人專之 魏普已 來詔誥皆中書令及中書侍郎掌之 後魏有舍人省 後周小 史上士二人隋內史舍人八員煬帝減四人後改爲內書舍 人唐武德三年改中書舍人置六員 通典 掌待進奏議表章 凡詔旨制敕璽書冊命皆起草進畫既下則置行百司奏議 文武考課皆預裁焉以一人知制誥顯進畫給食于政事堂

其餘分署制敕以六省分押尚書六曹又分云押六司佐宰

相判按同署職林龍朔改西臺舍人光宅改鳳閣舍人開元

改紫微舍人又曰紫微省唐會要宋中書舍人為所遷官實

不任職復置知制誥及直舍人院故事入西閣皆中書召試

制誥二篇惟梁周翰不召試而授焉其後薛映梁鼎楊億陳

堯佐歐陽脩亦如此例按長編薛映梁鼎皆召試翌日與億

並命會要誤也元豐五年曾鞏陸佃竝試中書舍人自是始

正官名續會要遂以中書舍人判後省之事分案五曰上案

掌冊禮及朝會所行事曰下案掌受付文書曰制誥案掌書

記制詞及試吏校其功過曰諫官案掌受諸司關報文書曰

記注案掌錄記注其雜務則隨所分案掌之元祐初以蘇軾

直舍人院有司言自官制行舍人院廢今為中書後省於是

改為權中書舍人遂為故事後詔舍人名簽諸房文字其命

詞則輪日分草續會要中興置中書後省以中書舍人為長

官六員常除二員二員領吏房及兵工房二員領東房右選

及禮刑房中興會要嘉泰四年李季章壁以宗正少卿權中

書舍人而中字犯祖諱季章辭有旨權以直舍人院繫銜乃

受命不知舍人院廢已久矣蓋大臣失於討論也一時在廷

鮮有能辨之者

羣書要語擢於綸閣列在禁闈李吉甫劄司言鳳綽揮翰龍池

陳拾遺集為陳舍人遷官表紫機務重青紙任隆同上鳳池清

切雞水深巖文粹張鷟奏廻翔青瑣典掌紫泥白氏六帖自可

事類彙編

曳裾紫禁仗奏青規助朝廷之光輝贊明時之喉舌之泥發彩
宣鳳藻而騰文蘭檢浮香潤龍縑而動色注內禁地以青規畫
故曰青規漢儀天子制詔以紫芝為泥以封注又蘭英為檢紫芝
為泥黃縑為制勅也文粹張鷟奏自列內朝兼司誥命事煩而

益密職以而彌精寵以正名或光禁職白居易集崔羣舍人制

而能艾繁辭刻弊句使吾文章言語與三代同風引之而為綸
綍垂之而為訓誥秉筆者莫敢爭能白集元稹舍人制東西置

省是陛下內臺股肱之司晏公類要西臺本政事之地內史專
誥命之文初寮除賈安宅制參典王命之官於今號為清選曲

自制內史列屬西省首聞萬機之微先朝董正治官始備六員
之目初寮行張叔夜制政令之出公卿為朕行之臺諫為朕言

之方其未行內史舍人得聞其議與其既行而後言孰若未行
而議之哉樂城制詞三殿內朝日趨翔於文陛六飛法從時陪

扈於屬車常瞻咫尺之光專裁寬大之詔楊文公集勅以辭藻

可使書誥命而專右席白集庾敬休知制誥制鼓三變之文潤
色王度李吉甫制詞蘊冲用以究國經鋪訓詞以潤王度宋申

詩句東壁圖書府西垣翰墨林張說上君白玉堂謂中書也杜

甫贈張九齡

躍鱗龍鳳池揮毫紫宸裏申伯玉中書郎討論潤

色今為美學問文章老更醇王介一宮早要稱三字注二字謂

知制誥陳后山摘毫終要居三字出郡終須借一麾王禹偁聯

飛仙掖舊心明古詩獨有鳳凰池上客陽春一曲和應難岑參

事類類聚遺集 卷之十

和賈舍人
清切丹禁靜浩蕩文河注上官儀酬薛舍人

古今事實

鳳閣舍人

徐堅字元固聖曆中楊再思王方慶為東都留守引堅為判官表奏專委之方慶嘗稱曰掌綸誥之選也再思曰此鳳閣舍人樣職林

不納私財

唐敬宗初登極路隋拜中書舍人翰林學士仍賜金有以金帛謝除制者吐而却之曰吾以公事接私財耶終無所納

獨賜古物

南齊傅昭為中書通事舍人時居此職者皆權傾天下獨昭廉

靜無所干預器服率隨明帝聞之賜漆合燭盤勅曰卿有古風故賜以古物南史

出納忠謹

晉劉超遷中書舍人時臺省創建內外多事超出納書命以忠謹稱本傳

誥命之敏

前蜀庾楷進中書舍人時署百司誥命填委皆有典則入服其敏分紀

文成於心

梁裴子野掌詔誥或問其為文速者子野荅曰人皆成於手我獨成於心職林

事文類聚續集

卷之二

九

謂之閣老

唐楊綰為中書舍人故事舍人年久者為閣老其公廨雜料獨取五之四至綰悉均給之本傳

清平官

南詔謂詞臣曰清平官南越志

世稱三才

唐魏收兼中舍與溫子升邢子才齊譽世稱三才魏收傳

時號四俊

張嘉貞為中書令薦中書苗延嗣呂太工等四人皆位清要日與議政事時號令君四俊張嘉貞傳

不留制草

高郢為中書舍人九年家無制草或問之曰前輩皆有制集公獨焚之何也荅曰王言不可存於私室職林

雞棲木

魏晉世語曰劉放孫賀共典樞要夏侯肇心內不平殿中有雞棲木二人相謂此亦久矣其能復指謂中書監劉放中書令孫賀初學記

四禁七制

唐故事漏泄稽緩違失妄誤謂之四禁分紀唐制故事王言之制有七冊書制書慰勞制書發日勅勅牒勅旨論事勅書晏公類要

文辭稱蘇賈

賈曾開元初拜中舍與蘇晉同掌制誥皆以文辭稱出本傳

詔誥稱常楊

楊炎為中書舍人與常衮並掌綸誥衮長於除書炎善於德音自開元以來詔誥之美時稱常楊本傳

文章宿老

唐李矯字巨山為鳳閣舍人文冊大號令多主為之矯富才思然其仕前與王勃楊盈川接中與崔融蘇味道齊名晚諸人沒而為文章宿老一時學者取法焉本傳

有大手筆

唐李矯為中書舍人朝廷每有大手筆令矯為之職林

上五事

高馮為中書舍人列上五事唐本傳

發十難

唐韋處厚穆宗時為中書舍人時張平叔以稹佞進欲羅置處厚發十難以詰之帝乃知害民平叔始踈斥本傳

海內共推

虞世南拜內史舍人柳顧博學罕所推許至是與世基相見歎曰海內當共推此一人唐本傳

灑翰泉湧

鄭畋薦中書舍人咸通十年討徐方書詔旁午畋酒翰泉湧動無滯思同僚閣筆推之本傳

揮翰如飛

陸戾拜中書舍人袁文思敏速初無思慮揮翰如飛文理俱愜

同僚共推其能本傳

評最精密

唐孫逖典詔誥為代言最而逖尤精密張九齡視其草欲易一字卒不能也職林

長於應猝

常衮文采瞻蔚長於應猝譽重一時唐本傳

工於冊奏

顏師古遷中舍掌機密時軍國多務凡制誥皆成其手冊奏之工時無及者本傳

分口占授

岑文本善職而敏速或策令叢遽勅吏六七人泚筆分口占授

咸無遺意職林

執筆分占

王勃長壽中為鳳閣舍人壽春等五王出閣有司具儀忘載冊文勃召五吏執筆分占其辭粲然本傳

一代詞宗

唐吏部郎中張九齡一代詞宗為中書令引韋陟為中書與梁涉對掌文誥時人以為美談職官分紀

煥成文章

武德及開元中有顏侍陳叔達蘇頌云大手筆掌書王命故一朝言語煥成文章唐大詔令

一人辨事

孫處約為中書舍人累年中令杜正倫奏請更授一舍人與處約同知制誥高宗曰處約一人足辨我事何須多也唐會要

獨直兩省

權德輿字載之為起居舍人歲中兼知制誥進中書舍人獨直兩省數日一還舍乃上言左右掖垣承天子誥命奉行詳覆各有攸司舊制分曹十員以相防檢大抵事有所壅則吏得為非四方聞者或以朝廷為乏士要重之司不宜久廢帝曰非不知卿之勞但擇如卿者未得其人耳本傳

解事舍人

唐故事中省有軍國政事則中書舍人各執所見雜署其名謂之五花判事中選一人明練事者知機密謂之解事舍人通鑑

分司押事

李泌曰給舍分司押事故舍人謂之六押

著三足記

唐盧景世嘗謂人君足食足兵而又得士天下可為也乃自軒轅以來至唐劉治道之要著書號三足記職林

撰五經訓

徐邈在兩省撰正五經音訓學者宗之本傳

出寶圖賦

崔融為文華婉當時未有輩者朝廷大手筆多勅委之其洛出寶圖賦尤工唐書

上清暑賦

崔仁師太宗時幸翠微宮上清暑賦以諷帝賜帛五十段

文陣雄帥

唐蘇頌傳張九齡嘗覽頌文卷謂同列曰蘇生之後贍無敵真文陣之雄帥也

文場元帥

唐張九齡號詞人之冠又號文場元帥

文士極任

唐自永淳以來天下文章道盛臺閣髦彥無不以文章達故中書舍人為文士之極任朝廷之盛選諸官莫比焉

人物精鑒

裴增為中舍李吉甫執政以情謂增曰比日人物吾情不及知

精鑒為我言之增即疏三千許人吉甫薦于朝

文思溫雅

唐王仲舒自職方郎中知制誥又思溫雅制誥所出人皆傳寫

掌兩宮誥

唐徐浩肅宗時拜中書舍人時天下事殷詔令多出於浩浩屬詞贍給又工楷隸肅宗悅其能加兼尚書右丞元宗傳位誥冊皆浩為之參掌兩宮文翰寵遇莫比

最宜為誥

王仲舒穆宗立每言仲舒之文可喜最宜為誥有古風召為舍人既至視同列率新進少年居不樂曰豈可復治筆硯於其間哉行狀

咨訪大政

齊澣字洗心。開元初。姚崇為相。用為給事中。中書舍人論駁及
詰詔。皆援準古誼。朝廷大政。必咨之。時號解事舍人。本傳

潤色訓誥

唐順宗除裴度中書舍人。制曰。度以茂學懿文。潤色訓誥。體要
典麗。甚得其宜。施之四方。朕命惟允。况中立不倚。道直氣平。
然風規有光。近侍臺官。滿歲班列。當遷綸閣之職。所宜其授。

封還詞頭

長慶元年。中書舍人白居易奏。獨孤朗岳州刺史。温造朗州刺
史。李肇澧州刺史。王鎰郢州刺史。令臣撰詞。四人出官。詞頭臣
賦封還。未敢撰進。伏待勅旨。穆宗實錄

屢獻謹言

蘇晉先天中。為中舍。屢獻謹言。天子嘉允。本傳

有諍臣風

唐柳公權為中書舍人。充翰林書詔學士。文宗便殿語及漢文
恭儉帝舉袂曰。此澣濯者三矣。公權曰。人主當進賢退不肖。納
諫諍。明賞罰。以澣濯之衣。乃小節爾。文宗謂之曰。極知舍人。不
合作諫議。以卿言事。有諍臣風采也。翼日降制。以為諫議大夫。
知制誥學士如故。分紀

居官鯁正

宋璟為中書舍人。居官鯁正。本傳

敷奏機辯

馬周字賓王為中書舍人善敷奏機辯明銳動中事會時譽歸之岑文本曰吾見周論事多矣一字不可加一言不可減唐本傳

草詔賜錦

封敖為學士拜中書舍人文思敏速武宗深重之嘗草陣傷邊將詔警司云傷居爾體痛在朕躬帝覽而善之賜之官錦分紀

納言賜錦

高鉞為中書舍人入見帝因勸躬擊以示憂勤帝納其言賜錦綵同上

報藥石言

唐太宗時中舍高季輔上封事特報鍾乳一劑曰卿進藥石之言故以藥石報之本傳

進諫賜金魚

吐突承璀於軍中立聖政碑李絳以為不可許憲宗初甚怒絳語不已上卒大開悟故除絳中書舍人翼日又面賜絳紫衣金魚上親為絳擇良笏勉之曰爾時無易此心續通典

問古今事

崔琳明政事開元中與高仲舒同為中書舍人侍中宋璟親禮之每所訪逮嘗曰古事問仲舒今事問琳本傳

咨訪政事

故事政事中書堂有門蓋宰相時適中書舍人院咨訪政事以自廣也及常衮相塞絕其門以示尊大不相往來續通典

成一家言

楊嗣復除中書制貞元中汝父為中書舍人甚稱厥職今使汝繼書吾命成一家言堂構國華在於此舉唐大詔令

三世居職

孫簡知制誥進中書舍人初逃掌誥至代宗時族祖宿又居職逮簡凡三世

三世制誥

唐李德林李百藥李安期三世掌制誥職林又張嘉正武后時進中書舍人崔寔輕之後與議事止出其上寔驚曰此終其坐後十年而為中書令子延賞延賞子弘靖三世掌書命又徐堅祖孝德父齊聃及堅二世為中書舍人皇朝衣冠無以為比又徐嶠父子自祖及孫三世為中書舍人又王徽字昭文曾祖擇

從昆弟四人至鳳閣舍人者二人故號三世舍人集賢記注

父子同在

蘇廷碩為中書舍人時父環同中書門下三品父子同在禁院朝廷榮之元宗平內難書詔填委獨廷碩在太極後閣口所古授功狀百緒輕重無差書更白公曰巧公徐之不然手腕腕矣李嶠曰舍人思若泉湧本傳

父子繼美

唐賈至天寶末為中書舍人肅宗即位於靈武上皇遺至為傳位冊文上皇覽之歎曰昔先帝遜位於朕冊文則卿之先父所為今朕以神冊太寶付儲君卿又當演誥累朝盛典出卿父子之手可謂繼美矣職林

叔侄對掌

封氏自太和世居兩制。舜卿從子德昭時為翰林。舜卿時為中舍。叔侄對掌。詰命當時以為榮。封教傳

兄弟相代

韋思謙二子承慶嗣立。承慶解鳳閣舍人。武后謂嗣立曰。爾父嘗稱二子忠孝。今使卿兄弟自相代。即拜鳳閣舍人。唐本傳
南漢趙光裔以膳部郎中知制誥。時兄光逢為翰林學士。兄弟對掌內外制。時論榮之。九國志

西掖八年

唐權德輿四歲能為詩。後為中書舍人。居西掖八年。間獨掌者數歲。職官分紀

斷窓舍人

楊滔為中舍時。催作制敕。令史將鑰匙出。無米可檢。乃斷窓取得本。時號斷窓舍人。職林

宰相判官

中舍時為宰相判官。唐盧氏雜記

見石思入

薛元超道衡孫也。為中書舍人。中書省有一盤石。初道衡為內史侍郎。嘗踞而草制。元超再見此石。未嘗不泣。然流涕。唐本傳

為文中和

許景先為中書舍人。以文翰見稱。中書令張說嘗稱曰。許舍人之文。雖無峻峰激流。斬絕之勢。然屬辭豐美。得中和之氣。唐本傳

制誥典雅

南唐韓熙載為和州司馬父之召為中書舍人乃始親職制誥典雅有元和風九國志

有宰相器

後周范質漢初加中書舍人戶部侍郎周祖征三叛每朝廷遣使齎詔處分軍事皆合機宜周祖問誰為此辭使者以質對周祖歎曰宰相器也事畧

十年正任

張洎計借之歲為潤帥燕王冀所薦首謁韓熙載一見待之如故舊洎洎曰子好一中書舍人頃之韓主文柄洎亦擢第不十年間果正絲綸之任職官分紀

一月遂罷

真宗祥符九年知制誥樂黃目知開封初黃目召試上以黃目久任外官止試制誥二篇入西閣不一月遂罷長編

訓誥有程範

宋敏求知制誥訓辭誥命皆有程範言行錄

詔詞激烈

劉琪謚忠肅兼中書舍人會金虜渝盟天子悉師北向以雪讐耻復疆土一時詔檄多出公手詞氣激烈聞者感動或至泣下朱文公撰行狀

分自命詞

元豐詔中舍分頴六房隨所頴命詞後復分自會要

立馬一揮

劉敞字原夫在西掖時一日追封皇子公主九人敞府下直爲之立馬却坐一揮九制數升言已就神宗實錄

占紙肆書

曾鞏擢中書舍人屬新官制遂掌書命於是更置百官舊舍人無在者已試即入院方除自填委占紙肆書初若不經意午漏盡授草院吏上馬去凡除郎御史數十人所以本法意原職守而爲之訓勅者人人不同咸有新趣而衍裕雅重自成一家錄

編討羣籍

至道中和蒙知制誥蒙之直中書每草詔必閉戶精思編討羣籍而後成沙州表求經藏碑詔蒙撰以賜之蒙遣廝借佛書數

于美入傳以爲契國史

經宿進神

宋初王祐拜中舍史館受詔撰昔照王碑經宿上進中外驚其神速事畧

七字舍人

呂溱傳溱開敏善議論一時名輩推許然喜自貴重且嘗客不及數言時號曰七字舍人云

文章獨步

王禹偁能屬文太宗方獎拔文士召拜右拾遺禹偁上端拱箴以爲誠彙知制誥上嘗稱之曰王禹偁文章當今天下獨步錄時稱楊陳

陳從易字簡夫知制誥與楊大雅同在西掖時謂之楊陳事畧
常楊不逮

鄭戩字天休知制誥訓詞深雅時謂之常楊不逮也事畧
有常楊風

鄭戩因文定公李迪薦其才累為知制誥訓詞深雅有常楊風
有元白風

謝絳字希深權知制誥文章典雅有元白風並同上
有二代風

曾鞏權中書舍人不俟入謝論使就職時自三省至百執事選
授一新除吏且至數十人舉其職事以戒辭約義盡論者謂有
三代之風上亦數稱其典雅言行錄

有西漢風

王珪知制誥其文典麗有西漢風嘉祐初為翰林學士事畧

詞有古風

彭汝礪元祐中拜中書舍人賜服金紫詞命雅正人以為有古
風言行錄

召試之制

執事官差除皆除自先下惟中書舍人宰相得言朝退遣直省
官召詣都堂面傳旨召試被命者致辭丞相謝之直省官徑引
入中書省前期侍郎廳設幕次几案于中就坐少頃本省吏房
主首持丞相封題自來即就試中書具食罷侍郎致茶果是日
宰相住省俟納卷始上馬翼日進呈除自方下蓋召試之制也

有恩遲不即就者往往過期或為留內門然已不稱職矣嘉祐
間有試而不除改天章閣待制者石林燕語

不復命試

陳文惠公堯佐天聖初知制誥故事知制誥者先試其文辭天
子以公文學天下所知不復命試自宋朝以來不試知制誥者
唯楊億及公二人而已言行錄

不試而命

宋朝之制必先試而後命有國以來不試而命者纔三人楊億
陳堯佐及脩歐陽公歸田錄與其一爾

蘇劉免試

元祐元年起居舍人蘇軾擢為中書舍人十二月直龍圖閣劉

放為中書舍人並免試會

楊錢免試

元豐七年十月詔起居郎楊景略左司郎中錢勰並為中書舍
人一人奉使高麗方還在道並擢之同上

一佛出世

太宗嘗云朝廷每除一舍人一公親相賀諺云一佛出世國史

夢草制誥

孫抃夜中夢明憲下草制誥其後第二人及第知制誥如夢云
父子繼任

王旦拜右正言知制誥父祐以清名久掌書命不十年且繼其
任時論美之錢若水有人倫鑒與之同列每曰王君凌霄登壁

梁棟之材非吾所及也分紀

父子掌誥

父子掌誥宋初至熙寧元年凡九家李文正昌武王兵部文正王恩獻安簡晁文元文莊錢希白修懿梁翰林莊肅呂文靖宋宣獻公敏求蘇儀甫子容春明退朝錄

出領外藩

雍熙四年以右補闕知制誥范景為工部郎中知京兆府知制誥出領外藩自是始也四朝會要

始除簽樞

直舍人院祖宗時有之嘉泰四年李季章壁以宗正少卿權中書舍人而中書故事小兩制未有除執政者乾道二年蔣子禮

帝始自中書舍人除簽書樞密院事朝野雜記

翰苑兼西掖

洪适為翰林學士仍兼中書舍人輔臣奏自來無翰苑下兼西掖者上曰洪其在後省甚振職且要其整頓綱紀故事給舍繳駁施行者皆封付三省秦增提舉太平官某奏秦檜欺天盜權戕害忠直當銅其子孫即時御筆依奏乃封付某明日召對上曰所論甚當異日有繳奏只批勅進來不須聯章盤洲老人小傳

閣老壓角

舍人院每知制誥上事設紫褥於庭面北拜廳閣長立褥之東北方謂之壓角長宗衮作掖垣叢誌而不解其事按唐舊書亦無聞焉唯裴廷裕王陵遺事云舍人上事知印宰相當壓角則

其禮相傳自唐也予為舍人日邵興宗入院不疑為舍人間長
壓角而時議美之朝野雜記

犀帶佩魚

霍端友傳徽宗時為中書舍人服金紫故事唯服黑角帶帝顧
見之曰給事舍人等耳而服飾相絕如是始命犀帶佩魚四朝

親篆閣榜

寶元元年七月新作舍人閣上親篆其榜曰紫微閣仁宗實錄
又劉放字貢父元祐中拜中書舍人請復古制建紫微閣於西

省四朝國史劉放傳

命典王府

曾鞏元豐為中書時哲宗為延安郡主命鞏典王府牋奏故事

翰林掌之上特命鞏

會要

獻皇極箴

治平元年知制誥祖無擇獻皇極箴賜詔獎之職官分紀

賜燭歸院

丁未錄夕時上神宗召知制誥鄭毅夫獮對內東門小殿命草
吳奎知青州張方平參知政事制賜雙燭迭歸舍入院一府無
知者明且且進草遂付中書出誥國史

召赴曲宴

太宗皇帝留心儒術旌賞文翰時綸閣之士始召赴曲宴或令
和詩舍人從遊宴自此始也職官分紀

失却君房

真廟時日本國入貢求本國神光寺記舍人辭不工今學士張君房代之張退食多潛飲市樓掖垣求之不得大寤時種放以司諫歸華山楊大年為閑忙令云世上何人最為閑司諫拂衣歸華山世上何人最號忙紫微失却張君房 湘山野錄

連名繳奏

林大中遷中書舍人風裁如臺中時侂冑來見公接之無他語使人通問因願內交又笑却之彭龜年抗論侂冑甚有旨龜年除職與邵公在西掖樓鑰在瑣闥連名上疏又同繳奏 樓攻媿集

兩上章論

曾文昭公肇元祐初遷中書舍人門下侍郎韓維面奏范百祿所為不正黜維知鄧州公不準制兩上章論之 言行錄

得繳詞頭

富鄭公知制誥制下遂復國之封鄭公繳還詞頭封命遂寢唐制唯給事中得封還詔書中書舍人繳詞頭蓋自鄭公始 龍川志 舊制執政除罷皆宣麻呂惠公病因爭新法末去王安石陰沮之乃使舍人院命詞蔡齊掌外制繳詞頭舉典故論之安石勸上內批今後樞密罷更不宣麻 丁未錄

抑中人進官

胡銓兼中書舍人有旨以中人李綽等嘗典發軍書無誤各進官一列公不奉詔綽等泣訴上曰胡銓不肯 楊誠齋撰行狀

繳內侍升職

陳傅良字君舉除中書舍人封還詞頭遇事輒發張子仁建節

陳源除內侍省押班率逢原升都統源供職自如而詞命不行終不得俸逢原先被宣劄已自書街公執奏再三終不奉詔此二事無敢嬰其鋒者公神色不動來則繳奏旁觀者為之寒心樓攻媿撰行狀

獨當內外制

洪适除中書舍人內直如故方羽檄交馳書詔填委或夜召或細札咨訪公獨當內外制時時奉詔草制如乞防虞海道降詔親征多出公手天用之意已定周益公撰行狀

熙寧三舍人

李定除御史宋敏求蘇頌相繼封還詞命次至大臨亦還之世稱為熙寧三舍人四朝國史李大臨傳

封還邊帥詞頭

王巖叟除中書舍人滕元發自太原易許昌公封還詞頭言今以走馬承受一言便易詞頭此風寔長非委任安邊之福命遂寢言行錄

不草官制

劉敞知制誥官者石金彬正除觀察使公封還詞頭不草制其命遂止同上

未三十知制誥

宋朝未三十知制誥者蘇大簡二十六晏元中二十七晏元獻宋宣獻王懿恪張安國皆二十八王文正夏文莊皆二十雜記

古今文集

雜著

謝中書舍人表

蘇子瞻

右史記言已塵高選西垣視草復玷近班皆儒者之至榮豈平生之所望中謝竊以詞命之職古今所難非獨取之於文蓋將試之以事至於機務亦或與聞雖四戶擅權非當時之公議而五花判事亦前代之美談及夫三字之除乃是一切之政但謂內朝之法從安知宰相之屬官既任止於訓詞故權移於胥吏恬不知悔習為故常先皇帝道冠百王法垂萬世建六官而修故事闢三省以待異人興章一新名實皆正遂申明於四禁俾分類於六曹遠則追直閣之司近則通檢正之任雖未聞政而聞事蓋須有德而有言如臣之愚無一而可草創潤色既非鄭

國之林除書德音又乏唐人之譽忽當此選莫測其由茲蓋伏遇皇帝陛下將聖與仁能哲而惠雖在三年不言之際已有十日並照之光而臣日侍適英親聞訪道仰天威之甚近知聖鑒之難逃謂臣嘗受先朝之知實無左右之助棄瑕往責責效將來臣敢不益勵素心無忘舊學上體周公煩悉之誥助成漢家深厚之文苟無曠官其敢言報

再謝中書舍人表

蘇子瞻

聖神獨斷出成命於省中衰病增光溢虛名於朝右訓詞之重士論所榮中謝臣聞有言逆心此古人所以顛沛積毀消骨非聖主莫能保全臣本受知於裕陵亦嘗見待以國士嘉其好直許以能文雖簞謫流離之餘決無可用而哀憐收拾之意終不

少衰抱弓劍以長號分簪履之永矣豈期晚遇又過初心矧外
 制之初嚴極西垣之清要在唐之盛以馮周岑文本為得人近
 世所傳有楊億歐陽脩之故事不試而用于今幾人遂超同列
 之先遠繼前脩之末夫何頑鈍有此遭逢茲蓋伏遇太皇太后
 陛下憂國忘身愛民如子憂深故任其事者重愛極故為之慮
 也長敷求哲人以遺嗣聖所以兼收而並用庶幾有得于其間
 臣敢不盡其所能期於無愧始終自誓故常以道而事君夷險
 不同則必見危而受命

謝除中書舍人表

蘇子由

執筆柱下已愧疎空起草禁中尤為清切上慙主眷下愧人言
 中謝伏以西臺政教之原紫微論思之地緝熙庶政事得參稽

進退百僚言成訓誥昔趙孟治晉叔向為之謀主則楚無以
 國僑為鄭子羽掌其辭令則國鮮敗事今臣所領頗近於斯在
 得博達詳練之人疎通敏捷之士考覈邦典潤飾皇猷如臣樸
 訥少文迂拙自用。在仁祖時始以直言見收下第在神考時復
 以封事獲對清光不能自結於一時旋復竄放於萬里雖謀身
 之不暇顧受任以何堪泰壇之樽何取溝中之斷清廟之瑟誤
 收竈下之焦此蓋伏遇皇帝陛下出震乘龍代天理物默然思
 道專意於用人穆若守成選眾而求舊憐臣一介之賤偶為三
 世之陳遺箴以故而見收老馬以病而復養不求其用聊廣吾
 仁臣雖力不逮入而誠心未泯學忘其舊而一二猶存敢不靖
 恭于朝側聽高宗之言政勉強以俟幾見成王之措刑

再謝中書舍人表

蘇子由

越從左史。擢領西垣。口出命書。身參法從。深念山林之迹。本無
 富貴之心。聞命若驚。固辭不獲。中謝伏念臣生本西蜀。家世寒
 儒。學以父兄為師。貧無公卿之助。私有所求。于祿養輒自力。於文
 詞慨然東遊。無以上達。際會仁祖。訪求直言。策語猖狂。恃聖神
 之不諱。考官怪怒。思梓直之非宜。孰知恬俗之言。特被愛君之
 詔。感激恩遇。遂忘效生。莫酬國士之知。適有私門之禍。未填溝
 壑。重迫饑寒。時於道途。望見神考。一封朝奏。夕聞召對之音。泉
 口交攻。終致南遷之患。生雖不遇。嘗辱顧於二宗。時不見容。勢
 殆瀕於九死。厄窮自致。龜俛何言。敢云衰病之餘。復被寵光之
 幸。此蓋伏遇太皇太后陛下。母慈均覆。坤德無私。欲以狂奴之

功躬行堯舜之道。肆求多士。以遺成王。耆老畢會於朝廷。耕築
 不遺於林莽。遂令拔擢。猥及空疎。馮唐已衰。猶願雲中之往。貢
 禹雖老。未忘封事之勤。譬如木之在山。生則荷恩。而歟無所怨。
 水之於地。行則潤下。而止不敢辭。臣之事君。義亦如此。欲報之
 誠。非言所殫。

辭免中書舍人劄子

汪藻

臣竊謂言語之科。聖人以先政事。代言之任。朝廷隸之中書。豈
 不以尊主庇民。維持萬世者。雖在功名。而道主德義。風動四方。
 者。實由詞命。故區區之鄭能。自立於晉楚之間者。本國僑能言。
 而唐德宗中興於肅代之後者。亦緣陸贄知禮。今陛下以英明
 上聖之資。勵興衰撥亂之志。方時多故。政令未孚。凡一語言必

欲使民知好惡所在當得如國僑陸贄者潤色討論濟艱難之業如臣何者辱此詔除此所以承命震惶而莫知所措也伏望陛下察臣學識本非所長加憂患百惟志衰氣索比嘗權攝三日月有餘屢進蕪詞斐然可見特賜追遠成命改授時髦豈惟坦明之制不絕聖慈抑使嚴近之班靡汗庸瑣

辭除中書舍人表

汪藻

朝廷有命莫嚴內史之替書溝瀆何知遽補甘泉之法從既具久虛之選仍叨不試之除中謝伏念臣居世寡請資身無策一官平進安知巧宦之機半世倦游長在窮愁之境昨幸蒙於起廢恩復許於參華適值時艱俄遭虜變身將淪於異域望已絕於中天豈意生還復膺器使備史職中興之始攝詞臣多士之

餘所憂蕪累之陳不堪代置乃誤便蕃之及遂使爲真過分所期循名而懼茲蓋伏遇皇帝陛下兼收羣策光復不圖謂聰明睿智之有臨須號令文章之所述故掌制誥必以能言而臣學昧淵源文惟雕篆况齒髮早衰於多病而精神新耗於百憂大懼曠疎上孤甄擢雖不能草詔使武夫悍卒之涕流然常願輸忠俾君子小人之情得倘酬大造何有餘生

謝除中書舍人表

洪邁

記言左史甫沐於序遷掌制中書遽叨於真拜荷光靈之曲被循涯淡以難勝中謝伏念臣行能亡以瘡入愚曠而不逮事少年馳騫妄有意於功名壯歲崎嶇私自憐於力命未分山林之獨往耳從州郡之徒勞正違鳴玉之趨忽點賜環之召徑歸故

步亦侍清光官資兼五職之華翰墨極一時之選顧生成之特
異覺報稱以至難可以言而言造膝必期於展盡非所據而據
謀身敢擇於便安深虞羈迹之疾顛乃厚脩門之孟進列是詞
臣之貴實為世掌之榮父子相承四上鑿坡之直弟兄在望三
陪鳳閣之遊共夸遭遇之殊竊有浦盈之懼茲蓋伏遇皇帝降
下重華協帝下武繼文篤實輝光而日新躬行仁義溥博淵泉
而特出獨化陶鈞當循名責實之辰欲祇節奉公之士察其孤
立或效一長使居待從之班仍在絲綸之地臣敢不敬共官次
感誦天恩巍巍其有成功方際有為之會斷斷而無他技誓殫
無億之忠

辭免兼權中書舍人劄子

樓鑰

自揣僥逾彌增震惕中謝某技能至薄見謂頓違學術素疎且
多廢忘躡遠左陛曾閱日之未深密待清光懼記言之非稱矧
是續綸之要實參造命之嚴非智略該通不足以裨贊國論非
辭重典麗不足以潤色王猷可使凡才而與華選暫承人之雖
弗許於控辭退暉時髦顧豈容於員進欲望朝廷特賜敷奏曲
回宸命更選詞臣俾專柱下之官庶愜廷中之議

謝除中書舍人表

樓鑰

史筆屢書深慙無補綸闈久假遂命為真嘗控避而弗俞竟周
章而就列中謝伏念臣受才謙薄涉世闊疎偶承累葉之儒科
登頂清朝之官使往分郡寄何有民庸當壽皇御極之時曾四
登於文陛逮聖主題期之始遂三入於脩門首汗卽省之聯旋

備賢閣之貳。貨泉出納。粗謹攸司。竇牒纂脩。復尋故步。晉班左
城攝事。西垣記注。非工有愧。螭均之直。詞章至陋。殆為鳳閣之
羞。矧執愚之不移。或遇事而輒發。妨賢已甚。昔物且多。方喜悞
之交懷。恐顛躓之未免。力求引退。敢覬褒升。才思欲枯。安得湧
泉之敏。身章增煥。更貽濡味之譏。茲蓋恭遇皇帝陛下。俞受羣
言。苟招衆俊。謂臣粗親小技。故使當訓誥之司。察臣素稟朴忠。
或可效涓埃之助。攷於詳試。有此誤恩。臣敢不愚竊所蒙。益共
爾位。言惟作命。少禪風雷鼓舞之神。忠以事君。當謹朝夕論思
之職。

謝除中書舍人表

孫覲

代言辭掖。叨司史之贊書。持橐近班。綴耳泉之法從。縉紳所重。

翰墨為榮。豈謂臣愚。亦蒙試可。中謝。恭以聖神獨御。鑒臨萬方。
必有訓誥誓命之文。大敷羣聽。用能禮樂征伐之出。咸仰至明。
惟茲辭令之臣。特重典刑之任。格于兆衆。以達聖心。使四方咨
嗟。而聳聞百世。驚動而興起。昔堯言布。天下之廣。由傳誦以至
今。周書誥。羣下之詳。以煩悉而行遠。豈臣么麼。所可使令。恭惟
皇帝陛下。有帝堯之文章。躬神禹之律度。以天縱多能之將聖。
群臣莫望於清光。乃以創殘之餘。猥塵潤色之選。昭回雲漢之
在上。光景畢陳。繪畫乾坤之為容。迺思已甚。况臣罹譴逐。內積
憂傷。心則不強。身其餘幾。然而見知於欲治之主。所遇者難得
之時。臣敢不洒掃濯其衷。明慎所職。體訓辭之深厚。期配昔人。
師訟雅之溫純。以章洪烈。

謝除中書舍人表

孫覲

支郡承流久在散材之目。西垣視草。遽塵法從之聯。中謝臣聞。極儒者之榮。莫重文章翰墨之選。鼓天下之動實。開朝廷政令之施。制規二帝之謨。言合六經之訓。感厲一時忠義之氣。而武夫悔禍於片言。布宣九重德意之孚。而父老貪榮於垂死。豈但精誠之格。實繫播告之修。伏念臣惜學無師。褊衷自信。文辭訛。敏久貽。晉疏之譏。骨相。唯。敢。嘆。隨。軍。之。厄。盡。圖。幽。并。以。謝。空。倉。遽。頒。命。紱。之。新。加。賁。遺。簪。之。舊。延。登。學。省。召。節。已。行。還。貳。憲。臺。寵。私。未。替。詔。尚。方。而。給。札。委。內。史。之。贊。書。三。折。肱。而。為。醫。方。追。懲。於。枉。謬。九。頓。首。而。重。拜。遽。叨。沐。於。殊。私。寵。至。若。驚。恍。惟。就。刻。恭。惟。皇。帝。陛下。聰明。元后。博。大。真人。乾。龍。應。於。天。行。溥。風。孚。

於邦號當有鴻文碩學之士。上副厲精更化之懷。顧臣何人。迺預茲選。老矣既愆之力。豈足舉明主於三代之隆。斐然不腆之辭。猶能奏薄技於從官之內。普殫微效。上答深仁。

辭免兼權中書舍人狀

吳永叔

光命異申。愚衷震惕。伏以太一坐紫微之垣。下臨圖書上主詞令。俱為華選。專用英髦。如某學不足以知方。文不足以飾治。曩塵冊府。曾蠶等以三遷。比直詞垣。亦叨榮者一載。搜訪遺文。以補書逸。繳還成命。以繩官邪。雖云粗盡於厥心。初亦何裨於更化。豈期誤渥。復及陳人。還貳書林。豈敢方元祐之人物。改權中舍。而乃用紹興之典彝。一旦不堪。二難兼取。若令磨鉢吮墨。尚殫典校之勞。如復翻。救。批。黃。是。速。顛。躓。之。咎。毋。拘。反。汗。不。敢。妨。

賢

事類彙編

卷之七

三四

再辭免權中書舍人狀

吳永叔

其竊曰宥坐之器盈則覆仲尼憂太盛之易衰耳實之木根必傷文子懼兼榮之難保今兄弟一門聯登要路可謂太盛矣內外兩制皆代王言可謂兼榮矣居盛而不戒則危譽榮而不已則辱若非安當止之分何以免交謫之言比於黃紙之初除五上控辭之牘繼以赤管之間作三陳祠祿之章且依屢降之指揮不許再行於陳請若退而自嘿幾諄戾於先猷復進而自言是重違於聖旨某之進退至此周章與其身兼數器而獨冒書生之榮曷若知效一官而免供中舍之職矧詞章係國脉之隆替而論駁關朝綱之重輕儻又據於華津豈不妨於賢路今巧

匠袖雲斤而未試良工積美玉而弗沽非甄拔而用之則無以展其器能非磨淬而新之則無以揚其風采輒忘踈陋敢遜譽髦裨謀草創世叔討論爲命豈一人之力宰我言語子游文學設科須衆善之長庶於有道之朝得免蔽賢之罰更祈敷奏卽賜允俞

辭免中書舍人申省狀

洪咨夔

挾日再遷寸衷積悻伏念某賦資至陋遇事最踈甫叨赤墀供奉之官遽劾烏臺分察之士道加誅斥廼被褻除矧討論欲責於皇猷而封駁亦闕於國論詎容冒處自速煩言欲望朝廷特賜敷奏收絲綸之新渥昇香火之叢祠所以省劄其未敢祇受

辭免兼權中書舍人狀

劉克莊

事類彙編

卷之七

三五

奎畫海放危衷交戰竊惟書命之職宜屬材敏之人曾筆占紙肆書而可傳劉敞立馬一揮而已就雖云攝之亦必當仁如其者舊聞久荒拙思尤鈍凡片文隻字狂簡之作皆積日累月鍊而成蓋山林枯槁者之為於朝廷潤色而奚取若使不量庸淺冒處高華非惟包越俎之羞又將起斷窓之誚欲望朝廷特賜敷奏收還誤渥改畀英髦以重詞垣以穆朝論

辭免兼權直舍人院狀

吳未叔

某被命頗仍省躬震惕居編摩之府總及五旬登著作之庭未經一月當明主勵精之始正微臣思報之秋而學不足以網羅舊聞識不足以通達時務方虞黜責豈望超陞矧贊書王國之精華而論駁公朝之機脉開寶之後僅聞兩中允之除熙寧以

來始見二舍人之盛豈宜朴學暫使兼官雖資淺望輕在禮弗容於控免然職親地禁非才恐速於顛隳伏望朝廷特賜敷奏收回成命改吳時髦庶專農馬之能少答乾坤之施

辭免兼直舍人院狀

吳未叔

冒膺兼組增惕孤衷伏念某頓自著庭暫權右掖無英詞以鼓天下之動無宏議以植朝廷之綱掛名忝與於判花嫉惡但思於去草粵稽元祐嘗用蜀珍咸惟蘇軾范百祿之賢能繳李定張誠一之惡自愧寒鄉之晚進敢攀前哲之高風比還二凶之詞荷垂九陛之聽然而歷時滋未久假不歸縱未致於煩言亦弗寧於方寸正欲露章而控免豈期帶職以超遷既升武監之華仍正詞垣之直雖軍旅之事未之學尚能閱戎器之精粗以

帝王之制舉而行恐難稱皇猷之潤色寧專農馬之智敢冒熊魚之燕

回鄭錢一舍人書

歐陽脩

顯奉制恩陛下華禁掖誕膺聖選式協輿談朝廷之體尊嚴王者之居淵默德澤宣布必使入人心之深號令發揮而能鼓天下之動惟是代言之任實資博古之英伏惟某官履行敦方材猷敏茂藹一鄉之佳譽掩衆俊以名科通達古今固已優游於儒學出入侍從是宜顧問於清間果被僉命竝司典訓竦萬方之視聽追三代之文章遂陞榮塗益奮賢業共慶得入之盛方深竊林之私遠厚謙摛特貽誨翰感銘之素敷奏奚禪

回諫院吳舍人書

歐陽脩

光奉制恩入司書命得人為盛輿頌同欣伏惟某官器稟純明道探淵蘊清名峻望獨映於一時顧學高文素推於羣彥果被上心之東進膺寵命之華紅藥翻階直禁垣之清切紫荷持橐擁法從以雍容文章追三代之風號令警四方之聽允歸鴻筆增重本朝顧惟衰朽之退藏方與縉紳而竊打豈期謙眷特枉誨函感服之私敷言罔既

回李舍人書

歐陽脩

顯膺寵命入直禁垣臺閣得賢縉紳共慶舍人器涵遠德蘊純深講仁義之淵源極天水之精液備言語侍從之列承清問顧問之榮特望蔚然輿談久屬果被上心之東進司書命之嚴惟帝制之坦明必訓辭之深厚金相玉振煥三代之文章雷動

風行警四方之耳目遂歸鴻筆壇重本朝顧惟衰病之餘敢辱
眷勤之既遽先惠問益認撫謙感服欣愉數陳罔既

中書門下雀官壁記

洪邁

兩省之官十有二唐制也今散騎常侍缺錄諫大夫而下別為
諫院同門而異戶唯給事中中書舍人左右起居實同省其員
亦十有二渡江以來蓋損三之一然亦未嘗備也給舍以法從
為職凡紫微黃門之政無論小大實畫之實行之其未建者得
以告而還之兩起居日侍殿上備顧問皆名一時清切要官然
去來姓名不謹於掌故四十年間已泮散不可考邁兄弟前後
四入省舉致意焉邁去右史五年而復至乃竟成之獨建炎年
時為不整敘或失其所來及所去官姑存之合為百七十有五

人其重至三至者二十有五今廊廟五公皆從五省于青雲
而直上異時莫成焉權官不書獨記南陽公所以尊宰相重吾
省也題名成又請浙東相公大隸表其上乾道三年二月二十
五日記

古詩

題舍人古意

徐彥伯

巢君綠梧樹舞君青瑣闥或言鳳池環禁林仙閣霧沉沉璇題
激沉日珠綴綿清陰郁穆帝言重榮煌台座深鳳張丹地翮月
弄紫庭音

律詩

賀李舍人

亡名

拜命大西垣。偏承聖主恩。黃扉陪漢制。彩筆代堯言。

綸閣有感

司空圖

風濤曾阻化鱗來。誰料蓬瀛路却開。欲去遲遲還自笑。任才應

不是仙才。

送崔舍人

裴度

赤墀同拜紫泥封。四牡連徵侍九重。唯有白鬚張司馬。不言名

利尚相從。

早入中書

錢翊

不意雲霄能自致。空驚鴛鴦忽相隨。臘雪新晴柏子殿。春風欲

上萬年枝。

上徐中書

褚朝陽

中禁仙池越鳳凰。池邊詞客紫微郎。既能作頌雄風起。何不將

吹蘭蕙香。

喜楊舍人入翰林

盧肇

御筆親批翰長街。夜開金殿送瑤緘。平明玉案臨宣室。已見龍

光出傅巖。

中書宿齋有感

權德輿

銅壺滴漏斗闌干。泛灩金波照露盤。遙想洞房眠正熟。不堪深

夜鳳池寒。

寄王三十四舍人

司空圖

幾年溪上約同遊。擬為蓮峰別樣樓。今日鳳凰池畔客。五千仞

雪不回頭。

中書連直

白居易

今年寒食夜西省鳳池頭誠知視草貴未免對花愁

西省郎事

岑參

西掖重雲開禁署北山疎雨點朝衣千門柳色連青鎖三殿花香入紫微

又

白居易

絲綸閣下文章靜鐘鼓樓中刻漏長獨坐黃昏誰是伴紫微花對紫微郎

絕句

亡名

紫泥初熟詔書成紅藥翻階晝影清屋瓦生烟官漏永時聞幽鳥自呼名

上李舍人

亡名

西掖深沉大帝居紫微西省掌文書天闈啓鑰趨朝後侍史焚香起草初

和宗人見賀

亡名

分班曉入鸞翔閣直閣旁連浴鳳池彩筆閣批五色詔好風時動萬年枝

東同舍

亡名

大微西掖鳳池邊西閣凌空爲起烟彩筆時批尺一詔直廬深在九重天

寄第三閤老兼呈白馮二閤老

韓退之

墻下春渠入禁溝渠水初破滿渠浮鳳池近白長先暖流到池

逸更不流

題中書院壁

王介甫

夜開金鑰詔詞臣對御抽毫草帝綸須信朝家重儒術一時同
榜用三人

訪沈舍人不遇

趙嘏

溪翁強訪紫微郎曉鼓声中滿鬢霜知在禁闈人不見好風飄
下九天香

賀同年翰林從叔知制誥

李頌

仙禁何人躡舊蹤孔門先選得真龍別居雲路拋三寸專掌天
書在九重五色揮毫成浪汗百寮班下獨從容芳年貴盛誰爲
比鬱鬱青青嶽頂松

朝下寄李舍人

耿緯

侍臣鳴珮出西曹鸞殿分階翊彩旄瑞氣迴浮青玉案日華遙
上赤霜袍花間熠熠雲旗合鳥外停停露掌高肯念萬年芳樹
裏隨風一葉在蓬蒿

寄制誥李舍人

羅隱

梁王握豹韜雪裏見枚臯上客趨丹陛遊人歎二毛門閑知待
詔星動想濡毫一省長楊賦應嫌索價高

鄭州獻從叔舍人

李商隱

蓬岳煙霞閬苑鍾三宮牋奏附金龍茅君來世仙曹貴許掾全
家道氣濃絳簡尚參黃紙案丹爐猶用紫泥封不知他自華陽
洞許上經樓第幾重

周程九早入中書

錢起

漢家賢相重英奇，蟠木何材也見知。不意雲霄能自致，空驚鷺鷥忽相隨。臘雪初明柏子殿，春光欲上萬年枝。獨慚皇鑒明如日，未厭螢光向玉墀。

贈闕下裴舍人

二月黃鶯飛上林，春城紫禁曉陰陰。長樂鍾聲花外盡，龍池柳色雨中深。陽和不散窮途恨，雲漢常懸捧日心。獻賦十年猶未遇，羞將白髮對華簪。

獻中書湯舍人

李中

慶雲呈瑞為明時，演暢絲綸在紫微。鑾殿對時親舜日，鯉庭過處着萊衣。閑尋竹寺聽啼鳥，冷倚江樓恣落暉。隔座銀屏看是

設一門清貴古今稀

上翰林蕭舍人

溫庭筠

人間鴛鴦香難從，獨恨金扉直九重。萬象晚歸仁壽錦，百花春隔景陽鍾。紫微芒動詞初出，紅臘香殘誥未封。每過朱門愛庭樹，一枝何日許相容。

上裴度舍人

王建

小松雙對鳳池開，履迹衣香遍上台。天意皆從彩毫出，宸心盡向紫烟來。非時玉案呈宣旨，每日金階謝賜回。仙伯何因記名姓，縣丞頭白走塵埃。

奉和賈至舍人早朝大明宮

岑參

雞鳴紫陌曙光寒，鶯轉皇州春色闌。金鎖曉鐘開萬戶，玉階仙

仗擁千官花迎劍佩星初落柳拂旌旗露未乾獨有鳳凰池上
客陽春一曲和皆難

直中書省

謝元

紫殿肅陰陰彤庭赫弘敞風動萬年枝日華承露掌玲瓏結綺
綫深沉映朱網紅藥當階翻蒼苔依砌上茲言翔鳳池鳴珮多
清響

和祖釋之登紫微閣二首

王介甫

漠漠秋陰護掖垣青雲只在兩楹間宮樓唱罷雞人遠門闕朝
歸虎士閑華蓋北瞻天帝座蓬萊東想道家山却慙久此隨諸
彥文采初無豹一斑
掖門相對敞銅鑲轡轡飛薨在兩間潤色平生知地禁登臨此

日愧身閑浮雲倒影移窓隙落木回飈動屋山忽憶初來秋尚
早紫微花點綠苔班

上西垣舍人

王介甫

共說才高世所珍諸賢誰敢望光塵討論潤色今為美學問文
章老更醇賦擬相如真復似詩看子建的應親仍聞悟主言多
直許史家覓往往嗔

新編古今事文類聚遺集卷之七

<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

